


Botimone

Sekgao Sa Bodumedi

 Ke makala ke ba bakae ba tsebago koša ye nnyane ye, bjalo ka ge ke le dumediša ka kopanelo ye boruthorutho ya Bokriste le lerato la Kriste lehono, ke ba bakae ba tsebago koša ye nnyane ye, “O A Go Hlokomela”? Le a e tseba? Go lokile, a re boneng ge e ba re a e hwetša. O a e tseba, kgaetšedi? O a tseba? Bjale:

O a go hlokomela,
O a go hlokomela;
Go kgabola mahlasedi a letšatši goba morithi,
O a go hlokomela.

Oo, go lokile. A re e lekeng gape bjale.

O a go hlokomela,
O a go hlokomela;
Go kgabola mahlasedi a letšatši goba morithi,
O a go hlokomela.

[Ga go selo lefelong la theipi—Mor.]

² Tatewešu wa Magodimong, re a Go leboga gore Wena o a re hlokomela gomme o bonagadišše lerato la Gago go rena, ka kudu go fetiša gore O rometše Morwa moratwa wa Gago Mong, go . . . Morwa wa Modimo tlhokamolato, go tšea lefelo la badiradibe ba molato. Re Go leboga bjang, gore O tshwenyegile ka rena gomme wa gopola ka rena, go dira se! Gomme re thabile bjalo, Morena. Re thabetše go kgobokana fa sekgaleleng se, ka tlase ga dikhenopi tša lefaufau, le go kgopela ditšhegofatšo tša Gago godimo ga tirelo ye. Fa, Morena, gore yo mongwe le yo mongwe monna, mosadi, mošemane goba mosetsana yoo a lego fa, a nke a ithute ka go teba bjalo mo Mangwalong. Re lebane le lefase le le laolwago ke Sathane. Gomme, Tate, re a rapela, bjalo ge re ithuta ka maatla a matimone le seo a se dirago go batho, gore O tla re fa tumelo ye kgolo, gomme a nke dika tše kgolo tše ntši le matete di dirwe. Ka gore, re kgopela ka Leina la Kriste le bakeng sa letago la Modimo. Amene.

³ Rena re, go ithuta sekgaleleng se, ka pela ka go yona, ke a thanka, e ka ba metsotso ye lesomehlano pele. E sa le godimo ga *Botimone*.

⁴ Gomme bjale ke sa tšo hwetša molaetša, nakwana ya go feta; Ngwanešu Beeler, go tšwa go bagwera ba ka. Gomme ke thoma ka Afrika, bogareng bja Julae. Kafao seo se a e fediša, re na le yona e lokišitšwe bjale. Gomme Ngwanešu Baxter a ka se kgone go ya ka naka yeo, kafao ke ya go swanela go ya Afrika ke

nnoši. Kafao go yeng ka kua fale le . . . a nke . . . Le swanetše go nthapelela bjale, gore Morena o tla nthuša, ka gobane ka kgonthe ke ya go e hloka bjale, godimo kua makgatheng ga . . . ke letile bonnyane batho ba dikete tše makgolo pedi go kopano yela.

⁵ Gomme ke na le pono e ngwadilwe ntle fa. Ke nyaka lena batho le hwetše dipoelo tša yona. E diregile ka Desemere. Ke be ke le ka kamoreng mosong wo mongwe ge Morongwa wa Morena a tlile ka gare. Ke . . . Le a bona, ge ke be ke le godimo fale, ke tshetše taelo ya Modimo, gomme ke topile godimo ameba. Motho mang kapa mang o tseba—tseba seo ameba e lego, ke pharasaete yeo e tsenago. . . e ka go bolaya. Gomme ka gobane ke dirile se sengwe Modimo a mpoditšego ke se se dire. Ke ba bakae ba kwelego kanego ya yona? Ke a thanka ba bangwe ba lena ba gona. Ke a tseba batho go tšwa tikologong ya tabarenekele ba kwele kanego ya seo se diragetšego. Modimo o mpoditše go ya lefelong, le go katoga go tloga lefelong *le*, le go ya morago ka kua go lefelo le lengwe. Gomme ke dumeletše bareri ba mpotša go tšwa go yona. Bjale, bareri ke ba babotse, gomme bona ke banešu, eupša hlokomela seo Modimo a go botšago. Yeo ke nnete. Le a bona? O na le morero o tee.

⁶ Ke ba bakae ba elerwago nako ye nngwe go bile baprofeta ba babedi ka Beibeleng? Gomme yo motee wa bona, Morena o mmoditše, o rile, “O ya go lefelo le *itšego*. Gomme o se ke—o se ke wa tla . . . O boele morago ka tsela ye nngwe,” le go ya pele. Gomme—gomme o rile, “O se ke wa ja goba go nwa ge o le fale.”

⁷ Gomme moprofeta yo mongwe wa therešo o kopane le yena, gomme o rile, “Morena o kopane le nna ka morago ga ge A kopane le wena.” Gomme o rile, “E tla ntlong ya ka.” Gomme moprofeta o theeditše go seo yo mongwe a se boletšego, gomme o lahlegetšwe ke bophelo bja gagwe ka sona. Le a bona, o dira seo Modimo a go botšago go dira go sa kgathale seo e ka ba mang gape a se bolelago.

⁸ Bjale rena re . . . Ka go pono ye, Yena . . . E mphafošitše, la lesometharo la Setem- . . . goba la Desemere. Gomme—gomme ge ke dutše bjalo mo lehlakoreng la bolao bja ka, ke be ke makala bokamoso bja ka e yago go ba eng. Ke . . . Ge ke bowa morago godimo fa, ba be ba loketše go ntahlela ngwakong wa dilomi, dipharasaete di ile tša nyako ntšea. Gomme ba mphile tekolo ge ke goroga nageng ye. Gomme, ka mogau wa Modimo, ba no ntumelela ke e ya gae, ka gobane e phatlaletše kudu. Gomme ke rapetše, gomme ke ile go badiredi bale, ke rile, “Morena o rile go nna ke se ye ka tsela yela.”

Ba rile, “Oo, Modimo o bolela le yo mongwe ntle le wena.”

⁹ Ke rile, “Kora o bile le kgopolo yeo nako ye nngwe.” Gomme kafao, eupša ke ile le go hwetša matlakala a mangwe gomme ka e bea godimo ga maoto a bona, gomme ke rile, “Gopolang, ka Leina la Morena, ge e ba re tšea leeto lela fale, le ya go šitwa,

gomme bohle re tla lefa bakeng sa lona.” Gomme ka kgonthe re dirile! Oo, nna! Bohle re nyakile re ehwa. Kafao gona go tlang morago . . .

¹⁰ O na le tše dintši o emelanago le tšona ka go dinaga tša ka ntle. Mohlala, letsetse le lennyane le tla go loma, le tla hlola o be le mpshikela wa kgofa. Gomme selo sela se sennyane, ge se go loma, ge o ikwa wenamong o hlohlonelwa, o ka se kgone go se ngwaya. O a lebelela, ge e ba ke moisa yo moso yo monnyane, o se mo gogele ntle. O na le hlogo ye nnyane, e thula tsela ya yona ka gare ga letlalo, ya retologa go dikologa ka tsela *ye* le go itlema ka boyona. Ge o ka e goga, o tla goga hlogo go šalela ka fale. E na le kokwanahloko ka go yona, e ka go golofatša. Kafao o . . . O se ngwaye, goba o se mo goge go tloga; e no tšea makhura a itšego. Gomme o hema ka bomorago bja gagwe. Rothetša makhura go yona, gomme o a tšwa.

¹¹ Gona go na le monang wo monnyane. Ga a dire le nthatana ya lešata. O tla thwi ka moya. [Ngwanešu Branham o phaphatha seatla sa gagwe mong—Mor.] O no go kgoma, ke ka moka, o hweditše malaria.

¹² Gomme—gomme gona go na le seo ba se bitšago noga ya mokopa. Ge e ka go itia, o phela feela e ka ba metsotso ye mebedi morago ga ge e go iteile.

¹³ Gomme go na le petlwa ye serolwana. O phela e ka ba metsotso ye lesomehlano morago ga go loma ga yona. Gomme ye nngwe ya tšona e be e le kgauswi kudu le morwa wa ka, bjalo ka ge a kgonne go bea seatla sa gagwe mo hlogong ya gagwe. E šetše e le godimo, e loketše go hlasela, pele re thunya, ka tsela yeo.

¹⁴ Gomme go na le petlwa ye ntsho. Oo, go no ba le se sengwe le se sengwe! Gomme gona mathata a lešoka a diphoofolo, ka nnete, ditau, dinkwe, goba mapogo, le se sengwe le se sengwe gape go emelana le sona, ka lesoding. Gomme gona malwetši, go no ba le mehuta yohle ya malwetši ka kua.

¹⁵ Gomme o na le tšohle tšeo go lebana le ge o eya. Ka ntle ga tšeo, gona še ngakamoloi go go hlohla ka letsogong le lengwe le le lengwe, le a bona, gomme ditumelwana tšohle tša bona le dilo. Eupša, bjang, a selo sa go kgahliša go bona Morena wa rena a no e šišinyetša kgole, go tloga lehlakoreng go ya lehlakoreng, ka tsela yeo, morago wa ya pele.

Gomme letšatši leo ke a elelwa, ke eme mola, gabotse bjang, go diragetše eng, ke tla le botša se sengwe ka kopanong ye nngwe, gobane ke nyaka go fihla go taba ya ka sekgaleleng se, ya *Botimone*.

¹⁶ Eupša bjale, gomme se ke se ke bego ke nagana ka sona, ke dutše fale, na bofelo e tla ba eng? Gomme go tla morago go putla lewatle, ke a tseba re bile le e ka ba dikete tše lekgolo tša basokologi ge re be re le fale. Gomme motia Ngwanešu Bosworth o tla go nna. O rile, ke rile, “Gabotse, Ngwanešu Bosworth?”

17 O rile, “Ke ikgantšha kudu ka wena, Ngwanešu Branham!” O rile, “O no ba—o no ba mo mathomong a bophelo,” gomme o boletše.

18 Ke rile, “Gabotse, ke a thanka go fedile.” Ke rile, “Ke fetile bogolo bja mengwaga ye masomenne. Ke a thanka ke lwele ntwa ye botse gomme ke feditše morero.”

19 O rile, “‘O fetile bogolo bja mengwaga ye masomenne?’” O rile, “Ke be ke le bogolo bjoo pele ke sokologa.” O rile, “Ke sa ya gabotse.” O be a le botse kgauswi le go ya ka go masomeseswai a gagwe. Gomme feela . . .

Ke naganne, “Gabotse, mohlomongwe seo e ka ba nnete.”

20 Kafao o rile, “Aowa, o no ba Branham yo moswamoswa bjale. O no tseba go laola dikopano tša gago bokaone bjang, le se sengwe le se sengwe.” O rile, “Feel a ge o ka tsoge wa ratha Amerika ka tsela ya yona ya go nepa, ka kopano ya go beakanywa gabotse, fao o ka go dula dibeke tše tshela goba tše seswai ka lefelong, le go le dira le beakanywe le go kwalakwatšwa tikologong,” o rile, “o tla dira se sengwe, eupša, le sebakeng sa Morena wa rena.” Kafao re ile pele, feela pele ka tsela yeo, kafao go be go le bose kudu—kudu.

21 Nako yeo ka morago ga nakwana, ke bone pono, ge ke be ke le ka Amerika, gomme etla go nna, le go mpoetša morago go Afrika, gomme e mpontšhitše kopano yela ya go swana, ke dutše fale ka pele ga Durban. Gomme kopano ya mathomo e nyeletše kgole ka go histori, go ya go leba Bodikela. Kopano ya bobedi e rotogetše godimo gomme, ge e dirile, e be e sa le e kgolo go phala kopano ya mathomo e bilego. Gomme Yena . . . ke kwele mogoletšo, gomme Morongwa o be a etla go tšwa Legodimong; O be a na le seetša se segolo.

22 Gomme Morongwa wa Morena yo a emego hleng le rena fa, o be a em- . . . ka mehla go ema ka go le letona la ka, godimo ka go lehlakore *le*. Gomme O be a eme fale, gomme O be a—O be a eya ka mo le ka mo. Gomme ke bone Monna yo a eme ka tlase ga Gagwe. Yena—Yena ga se . . . Bjale, yeo ga se pono ge o Mmona. E no ba kgonthe bjalo ka ge o ntebeletše. Gobaneng, o ka kgonna go Mo kwa a sepela le go bolela le wena. Gomme ge A . . . Eng kapa eng, e no ba kgonthe. Gomme ga se pono; Monna o no ba a eme fale feela go swana le ge o le. Gomme lentšu la Gagwe le no swana le la ka le ka ba goba la gago le ka ba. Eupša pono, se sengwe seo se go tšwelelago pele ga gago gomme o a se bona, ka tsela yeo. Eupša Monna yo o no sepela godimo gomme a ema fale.

23 Kafao O mpoditše gore . . . seo se bego se yo direga. Gomme O boletše gore . . . Morongwa yo o tlile tlase, gomme O mpoditše go retologa le go lebelala ka tsela *ye*. Gomme e lebeletše thokong ya India, bjale. Ga ke re e ka India, eupša e kgauswi. Eupša ba be ba le batho ba Maindia.

²⁴ Ka gobane, Maafrika ke ba bagolo, ba digoba, batho ba dinatla ba go bogega bokoto. Ba bangwe ba bona ba ka ba botelele bja kgato tše šupago, gomme ba imela, oo, makgolo a mabedi le masomeseswai, diphaonte tše makgolo a mararo, ba digoba. Mazulu, bjale, Mashangane le Basotho, le, oo, go na le merafe ye mentši ya go fapana. Go na le merafe ya go fapana ye lesometlhano e dutše fale letšatši leo, ke be ke bolela le bona.

²⁵ Ke be ke tla bolela lentšu, go swana le, “Jesu Kriste, Morwa wa Modimo.” Ke be ke tla yo hwetša seno sa meetse pele e ka ya go kgabola bahlatholli bohle. Yo motee o tla re. . . Le mašata ohle!

Ke be ke dula ke nagana, ge ke kwele batho ba Mapentacostal ba bolela ka maleme, gore mohlomongwe yo motee a bolela ka mohuta wo mongwe wa modumo gomme yo mongwe a bolela wo mongwe, seo se be se kgonagala bjang lefaseng? Eupša ke a dumela Beibele e a rereša, le go tseba Ke yona, ge E rile, “Ga go na modumo wa go se be le bohlokwa.” Yeo ke nnete.

Ba bangwe ba bona ba tla re, yo mongwe wa bona a ye, “Blrr blrr blrr blrr,” yeo e ra gore “Jesu Kriste, Morwa wa Modimo.” Yo mongwe o ya, “Klak klak klak klak,” seo e be e le “Jesu Kriste, Morwa wa Modimo,” ka polelo ya gabo. Kafao go sa kgathale ke mohuta ofe wa modumo e lego, ke go ra se sengwe felotsoko. Yeo ke nnete. Go sa kgathale ke mohuta ofe wa modumo o lego, o ra se sengwe go yo mongwe felotsoko. Gomme ge A bile. . . Ba tla fa seo ntle.

²⁶ Gomme ke lemogile gore godimo ka go la nngele la ka, ge Morongwa yola a tlile tlase gomme ke bone sa go swana le motšhitšhi fale, gomme ba be ba le monna le. . . go bonagetše e ke ba bile le le—le lepai go ba rarela, ka tsela *ye*, gomme ba itatile godimo le go tlangwa, go swana le go rarela lesea le lennyane, leleiri. Gomme e be e le lona. Gomme ke be ke no kgona go bona bokgole bjoo ke kgonago go bona, e be e se selo eupša batho. Gomme morago Morongwa yo o retologile godimo ga seetša se segolo sa go dikologa, gomme sa thoma go ya morago le pele, ka tsela *yela*. Gomme ga se nke ka ke ka bona batho ba bantši bjalo mo bophelong bja ka!

²⁷ Gomme morago Morongwa yo mongwe yo o tlile ka kgonthe kgauswi le nna, gomme O rile, “Go na le diketetše makgolo a mararo tša bona ka go kopano yela.” Gomme ke na le yona e ngwadilwe fase fa. Gomme le e ngwale ka go mohuta wo itšego wa ntshetlana ya lephephe, go swana ke le boditše ka ga mošemane yo monnyane a tsošitšwe bahung ka Finland. Le ngwale yeo ka go lephephe la Beibele ya lena goba felotsoko, gore mo kopanong ye (Go ya go ba le kopano. Gomme le ya go e kwa ka setšweletšwa se itšego.) ya batho ba diketše tše makgolo a mararo ba etla kopanong yeo. Bjale, bonang ge e ba yeo ga se nnete. Yeo e tla ba bogolo bja makga a mararo ye nngwe yela e

bilego. Le a bona? Dikete tše makgolo a mararo tša batho go tla kopanong. Gomme ke no ba ke thabile go hwetša go fihla fale, ga ke tsebe ke dire eng, ka gore ke rata go thopela Morena wa rena disoulo.

²⁸ Gomme fao, nako ye nngwe, go boneng—go boneng bahetene ba batala ba dikete tše masometharo ba etla go Jesu Kriste ka go pitšo e tee ya aletara, bahetene ba batala ba dikete tše masometharo.

²⁹ Bjale a re yeng go hlogotaba ya rena ka pela thwi. Maabane re ithutile mathaithai a matimone. Ke be ke nagana lehono, bjalo ka Modimo a diriša. Ga le tsebe ke bolokologi bofe bo lego go tšwela ntle. Bjale, ga se nna morutiši. Ke kgole kudu go tloga go tloga bntle—mo mohlagiši wa Beibele. Gomme ke nna. . . Thuto ya ka e gomela go kreiti ya bošupa. Kafao yeo ke. . . Gomme, yeo, ke tšwile sekolo e ka ba masomepedi tlhano a mengwaga ya go feta, kafao yeo ke nako ye telele go tloga. Gomme ga ke na bontši kudu bja thuto, eupša tšohle ke di tsebage ke seo ke se amogelago ka tšhušumetšo. Gomme ge tšhušumetšo yeo e sa bapele le Beibele, gona e phošetše. Le a bona? E swanetše go ba Beibele. Ga go kgathale seo tšhušumetšo e lego, e swanetše go tla. . . Šo motheo wa Modimo. Ga go na motheo wo mongwe o beilwego eupša Wo. Gomme seo Wo e lego, ge eba seo ke tla se bolelago se tla ba kgahlanong le Wo, mantšu a ka a ke a be maaka, gobane Wo ke Therešo. Le a bona? Le a bona? Gomme ge morongwa a ka le botša se sengwe seo se tla fapanago go tloga go Wo, Paulo o rile, “A nke yena a be go lena morogwa,” ebile le morongwa wa Seetša. Bjale, go na le dilo tše ntši tše kgolo. Ke feela. . . feela. . . Ke kgethile matšatši a mabedi, gobane go tliša hlogotaba ye go batho, yeo e bile maabane le lehono, ya dikopano tša sekgalela.

³⁰ Bjale, lebaka ke dirile se, ke go ipha nnamong go leka go gonnyane go bona ge eba Modimo o tla nthuša. Go na le se sengwe mo pelong ya ka. Gomme se ke, gore, ka morago ga Molaetša wo wo mogolo, le ka morago ga ge Modimo ka Boyena a tlišeditše eng seo ke se boletšego go ba Therešo, ka go Lentšu la Gagwe; ka Lentšu la Gagwe, pele, gomme morago ka dika le matete. Bjale, ke a nagana, le ka Therešo ya Ebangedi go Kereke, ke ka tlase ga kgapeletšego, go Modimo, go tliša se go Kereke. Yeo ke nnete. Bona ba tšitlane bjalo, ka go bontši bjalo bja mekgatlo ya go fapana le dikarolo tša yona tša bofefase, go fihlela yeo e le phošo. Rena bohle re bana ba Modimo ge rena re tswetšwe gape, Yeo, le a bona. Gomme therešo ya selo ke gore Modimo o re nyaka re tseba seo, gore re bana ba Gagwe.

³¹ Bjale, elelwang, tempele ya Salomo e betlilwe ntle, gohle go phatlalala le lefase. Gomme fa go tla leswika le letee la go kgopama ka tsela *ye*, le leswika le lengwe le kgopame ka tsela *yela*, le le letee go betlwa ka tsela *ye*, le le lengwe le betlilwe ka tsela *yela*, eupša, ge e etla mmogo, go be go se go sega ga saga, le

ge e ka ba modumo wa hamola, se sengwe le se sengwe se ile thwi lefelong la sona. Modimo o be a le Mohlahli wa seo.

³² Modimo o na le kereke e bitšwago Assemblies, gomme ye nngwe kereke ya Modimo, gomme ye nngwe *se*, le ye nngwe *sela*. Gomme, eupša ge tšona tšohle di etla mmogo, tšona di tla ba sehlopha se tee se segolo sa leratano la banešu, gomme Modimo o tla bea, kgoboketša Kereke yeo mmogo le go Mo tšeela pele godimo ka lefaufaug.

³³ Seswantšho se sengwe le se sengwe sa go tuma, pele se ka lekeletšwa ka go holo ya bokgabo, se swanetše go lekeletšwa, go kgabola holo ya baswaswalatši, pele. Monna yo a pentilego, mahlahla, goba, ntshwareleng, ga ke kgone go bitša leina la gagwe, o pentile Last Supper, go le bjalo, go mo tšere bophelo ka moka. O pentile seswantšho sela. E bile e ka ba masomepedi a mengwaga, goba lesome, ke a dumela, magareng ga go penta Kriste le Judase. Gomme afa le lemogile, ka go seswantšho sela sa go tuma, gore monna wa go swana o swantšhitše Kriste, lesome la mengwaga moragorago o swantšhitše Judase? Yeo ke nnete. O dirile. Lesome la mengwaga ya sebe, go tloga go moopedi yo mogolo wa ophera, go tšea lefelo la Kriste, go tla go lefelo la Judase. Ga se o swanele go tšea mengwaga ye lesome. Go tšea lesome la metsotso, go ka dira selo sa go swana go wena. E ka fetola semelo sa gago, ka sebeng. Eupša, go le bjalo, seswantšho sela se ile go kgabola baswaswalatši bohle.

³⁴ Gomme seo ke se ke naganago ka ga Kereke ya Modimo, sehlopha se se beditšwego. Gabotse, ga ke re se ka go kगतla go itšego. Ke sesile le mawatle a šupago, gomme ke mo leetong la ka la boraro go dikologa lefase, gomme batho ba re, “Mopshikologi mokgethwa! Mopshikologi mokgethwa!” Gomme ke purupuditše lefase, gomme ga se nke ka hwetša mopshikologi mokgethwa le ga bjale. Leo ke leina diabololo a le kokotetšego godimo ga batho. Yeo ke ka moka. Ga go na selo se bjalo bjalo ka mopshikologi mokgethwa. Gomme ke na le dipalopalo tša ye nngwe le ye nngwe ya makgolo a masometshela le masometshela seswai a dikereke tša go fapana tšeo di lego gona, le go kगतlofatšwa ka go lefase, ga go na le e tee ya tšona e bitšwago Holy Rollers. Gomme seo ke go tšwa mmušong. Ga go na le e tee kereke ya Holy Rollers ke e tšebago. Kafao, e no bile se sengwe diabololo a se beditšego. Eupša, bjale, ka go ka moka se, dilo tše ka moka, Modimo o pentile seswantšho. Gomme nako ye nngwe dikereke tše dinnyane tše di be di le ntle fa, ba bangwe ba lena . . .

³⁵ Ke šetša banna ba ba dihlogo pududu. Mošemane wa ka, maabane; ke be ke le ka kamoreng, ke bala, gomme modiredi o tšile gomme o rile, “Ke rata go šišinya diatlala le papago.” Kgonthe, mošemane wa ka o godišitšwe ke Ngwanešu Baxter le bona, bao ba no, “Aowa,” yeo ke yona, ka pela. Ga ke rate seo. Le a bona? Ga go tshwenye ge e ba ke . . . Kgonthe, nka se kgone go ba mohlanka

wa motho le Modimo, gape. Eupša ke nagana ke rata go šikinya diatla le baena ba ka. Ke rata go dira seo. Go na le se sengwe mabapi le sona, ke rata go šikinya diatla tša mo—mo modiredi. E sego feela modiredi, eupša ngwana yo mongwe le yo mongwe wa Modimo, ke rata go e dira. Ga se ke tsebe ka ga yona go fihla mosadi wa ka a mpotša moragorago gannyane. Gabotse, ge nka be a ile a botša moreri yola, “Feela motsotso, o morago ka fale thapelong, gomme—gomme ke tla bona seo a tla se bolelago.” Gabotse, seo, seo e ka be e bile bokaone. Kafao ke mo fa phošollo ye nnyane go seo, go se dire seo. Le a bona?

³⁶ Gomme kafao ke therešo, o ka se kgone go no ba gabotse, bjalo ka ge ngwanešu a boletše nakwana ya go feta. Ge o dira, gona ka nako ya bošego ke—ke lapile, le a bona. Batho ba a bolela, gomme yo mongwe le yo mongwe o na le mohlomongwe bolwetši, gomme ge ba e ya go bolela ka bjona, ka pela, go na le Morongwa wa Morena thwi fale go bolela ka ga yona.

³⁷ Go na le se sengwe se dutše, go lebelela thwi go nna bjale, se tseba yeo go ba therešo, go tloga feela go metsotso e se mekae ya go feta, goba e ka ba iri le seripa go fetile. Mohumagadi a dutše fa, yo a bego a sa tsebe seo e bego e le, gore Morongwa wa Morena o boletše le yena bošego bjo bongwe le go mmošša se sengwe, gomme ga se a kgona go se kwešiša. Eupša lehono se diragetše, kafao o a tseba bjale seo e se rago ge A be a bolela le yena. Gomme bjalo, a eme fale a bolela le yena, Morongwa wa Morena o ile thwi morago go otlologa le go mmošša seo bothata bja gagwe e bilego, gomme sohle se mabapi le eng, le—le seo a bego a nagana ka sona, le yo mongwe wa baratwa ba gagwe, le ka fao Modimo a bego a boletše gomme o rile O be a e tiišeditše, le seo se bego se eya go direga. Kafao seo e no ba tlwa ka tsela yeo e tla bago. Le a bona? Modimo o be a boletše bjalo.

³⁸ Gabotse, bjale, go ka reng ka dinako di se kae tšeo di kilego. . . Gona, gomme pono ye nngwe le ye nngwe e no go fokodiša bokaalo bjoo kudu, le a bona. Gomme selo sa pele o a tseba, ge o fihla kerekeng mo bošegong, o no ba ka go felelela go lapa bjalo go fihla o no se tsebe thata o dira eng. Gomme le nthapelele bjale, le a bona, ka gobane ke go tšwa go kopano e tee go ya go ye nngwe, go ya go ye nngwe. Ye e bile kopano e nnoši, go be go tla fapana, ge nka be ke eya gae bjale gomme ke sa ye go dira selo lebaka la dikgwedi di se nene, go ya ntle le go hwetša lethale la ka la go thea gomme ka ya go thea dihlapu. Eupša ke swanetše go ya go tloga kopanong e tee thwi ka go ye nngwe, go tloga go ye tee thwi ka go ye nngwe, le a bona. Seo ke se se e dirago.

³⁹ Gomme bohle le rapele, lena batho morago fa ka go batheeletši. Ba mpoditše bošegong bja go feta gore ke—gore ke be ke bolela le mothotsoko, gomme motho ga se a arabele go pitšo. Bjale, seo ke kotsi gabotse, le a bona. Ge ba rile e. . . Gabotse,

dinako tše dingwe mabone a ga a kganye, go na le lefelo le lesoka magareng fale.

⁴⁰ Gomme ke šetša Morongwa wa Morena ge A eme fale, ke kgona go e ekwa. Morago ke tla E kwa e sepela go tloga go nna, gomme ke tla šetša, E tla ntlogela gomme E tla ya godimo felotsoko gomme ya ema fao nthatana gannyane, gomme ke kgona go E bona. Gomme E tla bonegela godimo gomme go tla ba le le pono e etla. Morago ke tla bona pono. Ke tla šetša ke mohuta ofe wa motho a lebeletšego e lego go dikologa fale. Ke hwetša motho, gona ke a bolela. Seo ke se se diregago. Seo ke se se diragalago. Ga se o swanele go botša yo mongwe le yo mongwe seo, eupša seo ke—seo ke se se diregago, le a bona. Se ka moka ka go sekgao sa semoya.

⁴¹ Gona ge motho yoo a sa arabe, e tla ba go swana le go bala Beibele fa le go re, “Ga go selo go Yona,” go sepelela kgole go tloga go Yona. Le a bona? Kafao seo se e dira gampe gabotse. Kafao eba malalalaotšwe, e ba go theeletša, e ba go šetša. Ge A bolela, araba. Le a bona, e no ba go lokela go araba ka nako efe kapa efe.

⁴² Gomme kafao mosadi wa ka, le Ngwanešu Beeler le bontši bja bona, mosong wo, ba be ba mpotša ka ga yona, gore e be e bitša monna mabapi le ngwanabo, felotsoko, yoo a bilego le se sengwe sa phošo ka yena, le go ya pele. Gomme monna ga se a arabela pitšo, kafao seo se ka se kgone go thušwa. Seo ke magareng ga Modimo le monna. Pono e ntlogetše. Morago ga se ke kgone go e hwetša gape, ka gobane ga se a araba. Kafao, šetša, eba malalalaotšwe.

⁴³ Bjale go tšeeng hlogotaba ya *Botimone* le go bolela ka matimone. Bjale, batho, ge o re “letimone,” thwi ka pela ba thoma go nagana, “Oo, bohlanga bjo bongwe goba se sengwe!” Eupša matimone a no ba kgonthe bjalo ka Barongwa. A no ba kgonthe bjalo.

⁴⁴ Gomme diabololo o no ba kgonthe diabololo, bjalo ka ge Jesu Kriste a le Morwa wa Modimo. Yena ke diabololo! Legodimo le no ba kgonthe bjalo. Gomme ge go se na selo se sebjalo ka hele, ga go na selo se se bjalo ka Legodimo. Gomme ge go se na go šegofala ga Gosafelego. . . Kotlo ya Gosafelego, a ka re, ga go na go šegofala ga Gosafelego. Ge go se na letšatši, ga go na bošego. Le a bona? Eupša ka kgonthe bjalo ka ge go na le letšatši, go na le bošego. Ka—ka kgonthe bjalo ka ge go na le—kgonthe bjalo ka ge go na le Mokriste, go tlamegile go ba le moikaketši. Ka kgonthe bjalo ka ge go na le yo mongwe yoo ka mmapale a tšwago go Modimo, go na le yo mongwe go ekiša yoo. Le a bona? E no ba tlwa bontle le bokagare, boso le bošweu, thwi pele tlase go kgabola bophelo go se sengwe le se sengwe, therešo le bofora mogohle. Gomme go na le ebangedi ya bofora, go na le Ebangedi ya therešo. Go na le Kolobetšo ya therešo, go na le kolobetšo ya bofora. Go na

le modumedi wa maitirišo, gomme go na le wa kgonthe. Go na le tolara ya Amerika ya kgonthe, go na le tolara ya Amerika ya bofora. Go na le Mokriste wa mmapale, go na le moikaketši wa mmapale, le a bona, seo e no ba go ekiša. Kafao le hwetša seo, kafao yohle e ya mmogo. Bjale, re ka se kgone go e aroganya. Modimo o dumelela pula go na.

⁴⁵ A nke A ntumelele go bolela fa feela nthatana gannyane. Ke ba bakae bareri ba lego fa, phagamišang diatla tša lena. Bohle go dikologa, bareri, a re boneng diatla tša lena. Gabotse, Modimo a le šegofatše, baena. Bjale, bjale, ga le tšee se bakeng sa thuto bjale, eupša, feela pele re batamela hlogotaba ye bohlokwa ye, ke tla le botša eng. Ke ba bakae batho ba Pentacostal ba lego fa? Phagamišang diatla tša lena, gohle go dikologa mogohle. Gabotse, lena bohle le Mapentacostal. Go lokile. Ke ya go le botša seo ke bilego le sona ge la mathomo ke etla ka go sekgao sa lena, renke.

Ke be ke le thwi godimo fa ka Indiana, go lefelo le itšego le bitšwago Mishawaka. Sehlopha sa mathomo sa batho ba Pentacostal nkilego ka se bona, ba be ba bitšwa pe—pe Pentacostal Assemblies of Jesus Christ, ke a dumela, goba selo se sengwe go swana le seo, sehlopha sa go makatša sa batho. Bjale ba kगतlofaditše mmogo gomme ba ba bitša United Pentecost. Ba tšwile go tloga go ka moka ga bona, ka lebaka la taba ya kolobetšo ya meetse. Seo ga se ba dire moikaketši yo itšego. Go na le ba bantši ba mmapale, ka kgonthe Moya wo Mokgethwa wa mmapale, Bakriste ba go tswalwa gape ka direnkeng tša bona. Gomme Modimo o ba file Moya wo Mokgethwa ka go kolobetšweng ka “Leina la Jesu,” gomme a fa ba bangwe kolobetšo ya Moya wo Mokgethwa, go kolobetšeng ka “Tate, Morwa, Moya wo Mokgethwa.” Kafao, “Modimo o ba file Moya wo Mokgethwa, bao ba Mo obamelago,” kafao ke mang—ke mang a hweditšego, ke mang a Mo obametšego? Ke lena bao.

⁴⁶ Ge e ba le no lebala, le bona bao ba nyakago go ba ka tsela e tee, a nke ba be, gomme le ya pele le go ba banešu. Yeo ke yohle. Le se ke . . . Ke eng e e dirilego, ke go ba kgaoganya, go kgaoganya go tloga. Le a bona? Eng? E bile go kgaoganya, go rathaganya, go kgaoganya bobanešu, go iša ntle le go ikaroganya lenabeng. Aowa, mohlomphegi, ga se ra kgaogana, re batee. Yeo ke nnete.

⁴⁷ Eupša ge ke be ke eme fale, ke be ke bogetše batho bale. Bjale, nna, go tšwa go kereke ya mehleng ye nnyane ya kgale ya Southern Baptist, gobaneng, ke tla bona batho bale, ke ile ka gare fale gomme ba be ba phaphatha diatla tša bona, ba goeletša, “Yo mongwe wa bona, yo mongwe wa bona, ke a thaba ke re ke yo mongwe wa bona!”

⁴⁸ Ke naganne, “Nna! Joo!” Selo sa pele le a tseba, fa go tla yo mongwe tlase go kgabola fale, ba bina ka maatla ka fao ba ka go bina. “Thu-thu-thu-thu-thu,” ke naganne, “ke mekgwa mang

ya kereke! Ga se nke ka ke ka kwa dilo tše bjalo ka tšeo.” Ke no fela ke ba lebeletše, go dikologa. Ke maketše, “Gabotse, ke eng lefaseng e lego bothata ka batho bale?”

⁴⁹ Bjale, le nkwele ke anega kanego ya bophelo bja ka, fao ke gahlanego le kopano yela fale. Eupša se ke selo se tee ke sa nka go ka se bolela, ga se nke ka se bolela pele, phatlalatša. Kafao ba . . . Bjale, ge le nyaka go e phumola go tloga digatišamantšu tša lena, gobaneng, le ka dira bjalo. Go lokile. Bjale, ka go se ke lebeletše, gomme bjale ke naganne, “Gabotse, bona batho ke batho bao ba thabilego kudu nkilego ka ba bona bophelong bja ka.” Ba be ba se na dihlong ka bodumedi bja bona. Rena Mabaptist re no ba le dihlong gannyane, gatee mo nakwaneng, le a tseba. Le a bona? Gomme ge ba eya go rapela, le a tseba, go ya ka morago ga sefehlamoya, le a tseba. Gomme—gomme, eupša rena . . . Eupša bona batho ba be ba se, ngwanešu, ba—ba bile le borapedi gohle ka gare, ka ntle, le gohle go ba dikologa.

⁵⁰ Gabotse, ke elelwa bošego bjoo ge ke fihla mo sefaleng. Ba rile, “Bareri bohle mo sefaleng.” E be e le khonferense. Ba be ba swanetše go ba le yona godimo fa ka Leboa, ka lebaka la—ka lebaka la bothata bja makhalate, molao wa ka Borwa wa Jim Crow. Kafao bohle ba be ba kopane fale go tšwa mogohle. Kafao, ke be ke dutše godimo fale. Gomme o rile. . . Gabotse, bjale go na le . . . Ke kwele bareri bohle go kgabola letšatši leo le bošego bjoo. Ba rile moreri yo mongwe wa kgale, o be a le monna wa kgale wa lekhalate o tšweletše, feela nthatana ye nnyane ya moriri go dikologa hlogo ya gagwe, ka tsela *yeo*, a apere jase ya moreri ye telele ya kgale ya mosela wa go kgeiga, le a tseba, kholoro ya belebete, gomme bjona boso bja go fiša. Moisa wa kgale wa go šokiša o tšweletše fale ka tsela *ye*. O rile, “Bana ba ka barategi,” o rile, “ke nyaka go le botša,” a thoma go paka. Ke be ke nyakile go ba yo monyenyane yo a dutšego sefaleng. Kafao morago o rile, “Ke a le botša!” O tšere sehlogo sa gagwe go tšwa kua go Jobo, “O be o le kae ge Ke bea metheo ya lefase? Bolela go Nna fao e bofeletšwego.”

⁵¹ Bareri bohle ba bangwe ba ba be ba rerile ka Kriste, go bapa le mokitimo wa tlwaelo. Ke ba theeditše, go ipshina ka bona. Eupša e sego mošemane yola wa kgale! O ile morago ka kua e ka ba dikete tše lesome tša mengwaga pele lefase le ka tsoe la thongwa. O ile godimo ka go Magodimo gomme a tla thwi tlase go putla mafaufau, seo se bego se direga. Seo ba bego ba se rera, go ya pele, go nako ya letšatši; o be a rera ka seo se bego se direga Legodimong. O tlišitše Kriste morago go molalatladi wa go thalaganya, morago ka kua felotsoko ka Bokagosafelego. Gobaneng, o be a se a rera e ka ba metsotso ye mehlano go fihla moisa yola wa kgale, Se sengwe se mo swere. O tabogetše godimo mo moyeng gomme a bethantšha direthe tša gagwe mmogo, gomme a goeletša, “Agee!” O bile le e ka ba bontši

sekgoba bjalo ka ge ke ile godimo fa. O rile, “Ga le na sekgoba se se lekanego go nna go rera,” gomme o ile a tloga.

⁵² Gabotse, ke naganne, “Ge seo se ka dira seo go monna yo a ka bago bogolo bja mengwaga ye masomeseswai, e tla dira eng go nna? Seo ke se ke se nyakago. Seo ke se ke se nyakago.”

⁵³ Eupša seo se nkgogilego e bile se. Bjale, re bolela ka matimone bjale. Seo se nkgogilego, ke bogetše banna ba babedi. Yo motee o dutše ka lehlakoreng le letee, gomme yo motee ka go le lengwe. Gomme ge Moya o ewa, bona banna ba tla phagamela godimo le go bolela ka maleme le go goeletša, gomme ba fetoga bošweu go dikologa molomo. Gomme ke naganne, “Oo, nna, ge nka no ba le sela!” Le a bona? “Go makatša bjang! Oo, yeo ke. . . Ke no rata seo!” Gabotse, ke tšwetše ntle go tšhemo ya korong. Gomme ke le boditše kanego ya bophelo bja ka. Le bo badile ka pukung. Ke robetše bošego bjohle. Gomme ke boile morago moso wo o latelago, kafao ke naganne ke tla no leka ntle. Ke na le tsela ya go dira dilo yeo go sego motho a tsebago eupša Modimo le nna. Kafao, seo, ke tšea seswantšho gomme ka ya go kopana le moya wa monna. Le o bona thwi fa mo sefaleng. Le a bona? Gomme gona ke thomile go bolela le yo motee wa banna bale. Ke a ba bona, ba dutše kgauswi mmogo, gomme ba no swarana diatla le go bina le go goeletša. Ke naganne, “Oo, nna, seo se kwagala kgonthe go nna!”

⁵⁴ Gomme ke swere seatla sa yo motee. Ke rile, “O dira bjang, mohlomphegi?”

⁵⁵ O rile, “O dira bjang.” Monna wa go loka kudu, moisa wa mohuta wa sekgomana. O rile. . .

Ke rile, “A ke wena modiredi?”

O rile, “Aowa, mohlomphegi. Ke no ba moleloko.”

⁵⁶ Gomme ka thoma go ya pele ka poledišano ye nnyane le yena gore ke kgone go swara moya wa gagwe. Le a bona? O be a sa tsebe seo. Ga go yo a tsebilego. Ga se nke ke bolele selo ka yona. Mengwaga ka morago, pele ke e bolela. Kafao ba. . . Eupša ge ke etla go hwetša, e llile therešo, feela ka go phethagala bjalo, monna wa Mokriste! Monna yola o be a le ka phethagalo mokgethwa wa Modimo. Ke naganne, “Ngwanešu, go kaone.”

⁵⁷ Eupša karolo ya go tlabo, ge ke swara monna yo mongwe, e be e le kgahlanong. Ebile o be a phela le mosadi yo e sego mosadi wa gagwe. Yeo ke nnete. Gomme ke e bone e gogela godimo go yena, pono. Ke naganne, “Oo, nna, go ka se be bjalo.” Gomme monna. . . Ke naganne, “Bjale, bjale, moya wo o lego magareng ga bona batho o fošagetše. Seo ke sohle se lego go yona.”

⁵⁸ Kafao bošegong bjoo ge. . . ile kopanong, gomme ditšhegofatšo di be di ewa, ke tla rapela Modimo, gomme Moya wo Mokgethwa, Morongwa wa Morena o fa bohlatse gore e be e le Moya wo Mokgethwa. Gomme Moya wa go swana o bego

o wela go monna *yo* o be o wela go monna *yola*. Gomme ge Moya o ka wa, bobedi bja bona ba tla ya godimo, gomme bobedi ba tla goelesa le go goeletša le go reta Morena, le go bolela ka maleme le go bina. Ke rile, “Ke—ke—ke no se kgone go e hwetša, Morena. Mo . . . Ga ke kgone go e bona ka Beibeleng, fao seo se ka ba go nnete.” Bjale ke rile, “Mohlomongwe ke forilwe.” Le a bona? Ke rile . . . Bjale, fa, ga—ga ke kgone . . . Nna ke—nna ke wa motheong ka kgonthe go Beibele. E swanetše go ba Ye. Le a bona? Ke rile, “Morena, O tseba seemo sa ka, gomme ke—ke swanetše go e bona ka Lentšung la Gago. Gomme ga—ga ke kgone go kwešiša. Ge Moya wo Mokgethwa o wela go monna *yo*, Moya wo Mokgethwa o wela go monna *yola*, gomme yo mongwe wa bona ke mokgethwa gomme yo mongwe yo motee ke moikaketši. Gomme ke a tseba ke yona.” Ke a e tseba. Ntle le . . . Ke be nka kgona go tšeela monna ntle le go e netefatša go yena, goba go mmiletša ntle thwi fale le go mmošša ka yona.

⁵⁹ Go swana ke kgonne ka monna *yola* a dutšego thwi fale bošego bja go feta, e be e se selo eupša mo—mo moekiši, ge e ka ba go kile gwa ba le yo mongwe a dutše fale. Gomme ke be ke swanetše go be ke e bileditše ntle, eupša a ka be a phagametše godimo gomme a thoma go nganga. Kafao ke no e lesa e eya, ka lebaka la kopano, eupša ke mo tsebile. Ee, mohlomphegi.

Go na le yo motee, ba babedi ba bona, ba dutše thwi morago fale, bošego bjo bongwe, ke ba kereke tsoko thwi fa ka toroponggolo. Baswaswalatši ba kgonthe! Ke ba bone. Eupša, ge o ka dira, go thoma mathata ka gare. Ke e dirile makga a mantši. Ke no ba lesa ba nnoši, le a bona. Yona e lokile. Modimo o a tseba, Yena ke Moahlodi. A nke ba mpitše nako ye nngwe, gomme gona le tla bona se sengwe se direga, le a bona, a nke ba dire.

Go swana le letimone, ga se nke ke kgone go biletša letimone ntle. O no tla go nna le go ntlhohla. Nako yeo ke ge Modimo a ile go šoma, le a bona, yeo ke nnete, gomme le bone se se diragetšego. Go lokile. Eupša ke no e lesa e eya. Go dirile kopana go ba e thata, ka gore moya wola o be o sepelela thwi ka gare go nna ka dinako tšohle, le a bona. Gomme kafao ke no ya pele.

⁶⁰ Eupša bjale, banna ba, ke be ke sa kgone go e kwešiša. Gomme go bile mengwaga ye mebedi moragorago, goba ye meraro, ge ke be ke le godimo ka Green’s Mill, Indiana, fa, ka go kampa ya sekaoto. Ke be ke le morago ka gare ga mphoma wa kgale fao ke yago go rapela. Gomme morago fale, ke rile, “Morena, ga ke kgone go kwešiša seo se diragalago ka sehlopha sela sa batho. Batho ba bakaonekaone nkilego ka kopana le bona bophelong bja ka, gomme ga—ga ke kgone go kwešiša kafao woo woo o ka bago moya wa go fošagala. Ge o le . . . ge gona . . . O tseba go botega ga pelo ya ka. O tseba kafao ke Go ratago le kafao ke Go hlanketšego. Gomme Moya wa go swana wo o lego fa, le nna,

o be o le go bona batho. Gomme fa O be o le go mothaka yola, fale, go no swana.” Kafaog ga se ke kgone go kwešiša.

⁶¹ Gomme Morena o tlile fase ka kgaogelo ya Gagwe le go mpontšha. Fa ke fao e bego e le. Go swanetše go ba ka Mangwalo, pele. O rile, “Topa Beibele ya gago godimo.” Gomme ke topile Beibele ya ka godimo. Ke a thanka ke swere Beibele yela lebaka la metsotso ye lesome ntle le yo mongwe. . . go sa hlwele go le Lentšu le le tlogo. Ke letile feela nakwana e se kae. Ke Mo kwele a re gape, “Phutholla go Bahebere 6 gomme thoma go bala.” Gomme ke dirile. Gomme ge e etla tlase fale, fao E rilego, “Pula e tla gantši godimo ga lefase go le nošetša le go le lokiša, go le lokišetša sebakeng sa leo le. . . eupša meetlwa le ditshehlo, tšeo di lego kgauswi le go lahlwa, tšeo bofelo bja tšona ke go tshungwa.” Gomme ke e swere thwi fale.

Ke naganne, “Šele ke yona. A go lebogwe Modimo! Šele ke yona.” Le a bona?

⁶² Bjale, Jesu o rile, “Mobjadi o ile pele a bjala dipeu,” a ga se A ke? Bjale, lena bohle le Bakriste fa. Yo mongwe le yo mongwe o swere godimo seatla sa gagwe, golebjaalo, Mopentacostal, Bakriste ba go tswalwa gape. Go lokile. Bona. . . Gomme O rile, “Mobjadi o ile pele, a bjala dipeu. Gomme ge a robetše. . .” Go khutša ga gagwe, lehu, magareng. Le a bona? “Gomme ge a robetše, lenaba la tla le go bjala mphoka ka tšhemong yela.” Mphoka ke eng? Ngwang, lefoka le dilo. Bjale, “Gomme ge molemi (moreri) a bone mphoka wo o gola, o rile, ‘A nke ke ye go e tomola godimo.’ O rile, ‘Aowa, aowa. O tla tomola le korong gape. Di lese di gole mmogo.’”

⁶³ Go na le tšhemo ya korong ntle fa. Go na le metangtang, tšhatšho, diloka, se sengwe le se sengwe gape ka go yona. A yeo ke nnete? Eupša, bjale, ka gare fale go na le korong. Bjale, pula e tla gantši godimo ga lefase, go le nošetša. Bjale, pula ke ya go reng? E sego go nošetša tšhatšho. Bjale lebelelang le go ela hloko. E sego go nošetša motangtang. Pula e rometšwe bakeng sa korong, eupša tšhatšho le ngwang di no ba di nyirilwe bjalo ka korong e le. Gomme pula ya go swana yeo e welago godimo ga korong e wela godimo ga ngwang. Gomme ngwang wo monnyane wa kgale o tla ema thwi godimo go otlologa ka tsela yeo, le go thaba le go hlalala, feela bontši bjalo ka korong ye nnyane e ema godimo le go ema godimo ka boyona.

⁶⁴ “Eupša ka dikenywa tša tšona le tla di tseba.” Ke lena fao. Le a bona? Bjale, Moya wo Mokgethwa wa go swana o ka šegofatša moikaketši. Seo se iteile ntle ba bangwe ba lena Maarminian, eupša yeo ke Therešo. Yeo ke Therešo. Le rutilwe bokgethwa, bjoo ke dumelago go bokgethwa, le nna. Eupša Moya wa go swana, pula e wela godimo ga baloki le ba go se loke, eupša ka dikenywa tša bona le tla ba tseba.

65 Ge nka lebelela ntle fa gomme ka ya go tšea korong, ke tšea korong, eupša ngwang o tataganela godimo gohle. Gomme di phela ka pula ya go swana yeo e welego bakeng sa korong. Gomme pula e be e se ya romelwa bakeng sa ngwang, e rometšwe bakeng sa Korong. Eupša pula e le ka tšhemong, korong e le . . . ngwang o le ka tšhemong ya korong, o no hwetša bontši bjalo bja dipoelo go tšwa go pula bjalo ka tšohle tša tšona di dirile. Gomme pula ya go swana yeo e dirilego korong go phela, e dirile ngwang go phela.

66 Dilo tšohle mo tthagong di kaya tša semoya, bjalo ka ge re ruta. Šele ke yona, botimone, matimone a ekiša Bokriste, go le bjalo, le tšhegofatšo. Ao ga se maswi ao a okotšwego, baena, ge le ka se kgone go e tšea. Le a bona? Le a bona? Bjale, yona ke—yona ke Therešo.

67 Kafao, ga se ka phološwa lehono gobane ke kgona go goeletša. Ga se ke phološwe gobane ke kwa o ka re ke phološitšwe. Ke phološitšwe gobane ke phethile mabaka a Modimo a Beibele ye. Jesu o rile, “Yo a kwago Mantšu a Ka le go dumela go Yena yo a Nthomilego, o na le Bophelo bja neng le neng, gomme a ka se tle ka kahlolong, eupša o tshetše go tloga lehung go ya Bophelong.” Ke dumela seo. Yeo ke nnete. Gomme ka go ona mabaka ke phološitšwe, ka gobane Modimo o boletše bjalo.

68 Ge a mpoditše wena o phološitšwe gobane yo mongwe o rile, “Phefo ye maatla e fokago e nteile mo sefahlegong,” yeo e a thabiša, eupša ke nyaka go tseba fao phefo ye maatla e fokago yela e tšwa gona pele e ntia mo sefahlegong, le a bona. Bjale, ke mohuta ofe wa bophelo o yago go bo phela ka morago ga ge phefo ye maatla e fokago e go iteile? Le a bona? Le a bona, ke ka kenywa ya gago o tsebja go. Kafao, matimone a kgona go šoma thwi makgatheng ga Bakriste. Le dumela seo? Lebelelang Paulo, Paulo o rile . . .

69 Bjale fa ke moo baLatter-Day Rain . . . Ge e ba go na le ba ba itšego ba lena fa, ntshwareleng ge e ba ke bolela se sengwe kgahlanong le lena. Nka se bolele bontši gape kgahlanong le lena go feta nka dira Assemblies, goba ye itšego, Mabaptist, goba yo mongwe gape. Ke Therešo yeo e lego Therešo. Fao le fapogilego, e bile se: le dira baprofeta go tšwa go bona banna le dilo tšeo e sego baprofeta. Baprofeta ga ba “bewe diatla godimo” gomme ba romelwa ntle. Baprofeta ba a tswalela. Le a bona? Ka Beibeleng, go na le *mpho* ya seprofeto. Fao ke moo phošo ya lena e bilego, magareng ga mpho ya seprofeto le moprofeta. Mpho . . .

70 “Modimo, dinakong tša kgale le ka mekgwa ye mentši o boletše le botate ka baprofeta, mo matšatšing a bofelogo ka Morwa wa Gagwe, Kriste Jesu.” Gomme Mmele wa Kriste o na le dimpho tša semoya tše senyane di šoma ka go ona. Gomme go ka no ba ka go mosadi *yo* bošegong bjo, seprofeto, go ka no se tsoego go

bile bophelong bja gagwe ka moka. Go ka no ba ka go mosadi *yo* bošego bjo bo latelago. Go ka no ba ka go monna *yo* nako ye e latelago. Go ka no ba ka go *yola* yo mongwe morago fale, nako ye e latelago. Seo ga se mo dire moprofeta, ga go dire yo mongwe moprofeta. Ke mpho ya seprofeto ka go lena.

⁷¹ Gomme pela ga ge monna yola goba seprofeto seo se ka fiwa kereke, se swanetše go ahlolwa pele ga baahlodi ba semoya ba babedi goba ba bararo. A yeo ke nnete? Go ya ka, bjale, Paulo o rile, “Lena bohle le ka profeta, yo mongwe le yo mongwe.” Ge se sengwe se ka utollwa go yo mongwe *yo*, a nke yo mongwe *yola* a homole. Gabotse, seo se tla dira sehlopha ka moka sa baprofeta gona, go ya ka thuto ya lehono. Aowa, kereke ya Pentacostal, re na le dilo tšohle di šekamile. Gomme leo ke lebaka Modimo a sa kgone go tla ka gare, go fihla re hwetša selo se otlolletšwe ntle le ka go Beibele. Yeo ke nnete. O swanetše go hwetša tsela ya nnete. O ya go aga ntlo bjang ntle le go lebelela go polane? Le a bona? O swanetše go thoma gabotse.

⁷² Bjale, ka fale, moprofeta, ga se nke la bona yo mongwe a eme pele ga Jesaya, Moshe. Yo mongwe o ile a ema, Kora, letšatši le lengwe, le go leka go ngangišana le yena, gomme Modimo o rile, “Ikaroganye ka bowena, ke ya go ahlamiša lefase gomme. . .” Moprofeta o a tswalela. “Dimpho le dipitšo. . . -ntle tshokologo.” Yeo ke peelopele ya Modimo, go tloga go lesea go rotoga. Se sengwe le se sengwe se be se phethagetše gabotse go bapela, tlwa seo a boletšego e be e le therešo le go hlatsela le go tliša ntle. Ke Lentšu la Modimo, le tla go moprofeta. Eupša mpho ya seprofeto e ka go kereke.

⁷³ Bjale o rile, “Gabotse, baprofeta ke Testamente ya Kgale.” Oo, aowa! Testamente ye Mpsha e na le baprofeta.

⁷⁴ Agabo o be a le—o be a le moprofeta wa Testamente ye Mpsha. Lebelela Moya wa seprofeto o wela fase fale le go botša Paulo ka ga yona. Morago šefa go tla Agabo tlase go tšwa Jerusalema, gomme o hweditše Paulo, gomme o tlemile moketwana wa gagwe go mo rarela, gomme a retologa gomme o rile, “GO RIALO MORENA, monna yo a aperego wo o tla tlengwa ka diketane ge a fihla Jerusalema.” Agabo, yo a emeletšego godimo le go bolela, o boleletšepele seo se tla diregago, o be a le moprofeta, e sego monna ka mpho ya seprofeto.

⁷⁵ Gomme mpho ya phodišo le tšohle dimpho tšela, mogwera wa ka wa Mopentacostal, o e hlakahlakantšhitše. Dimpho di ka go kereke, di laolwa ke motho mang kapa mang ka kerekeng, yo mongwe le yo mongwe yo a kolobeditšwego ka go Mmele. “Ka Moya o tee rena bohle re kolobeditšwe ka gare.” Gomme Beibele e rile. . .

“Gabotse, ke na le mpho ya go fodiša.”

⁷⁶ Gabotse, Beibele e rile, “Ipoleleng diphošo tša lena go lenabeng, gomme le rapelelane bakeng sa yo mongwe.” Motho

yo mongwe le yo mongwe rapelelanang bakeng sa yo mongwe. Ga se rena sehlopha sa go arogana; rena re seboka, sehlopha sa go kgobokana. Le a bona?

Bjale, gomme fao ke ka fao matimone dinako tše dingwe a šomago.

⁷⁷ Bjale šetšang seo Paulo a se boletšego, “Ge yo mongwe a bolela ka maleme gomme yo mongwe a hlatholla, gomme e ka ba eng a e boletšego, a nke e ahlolwe pele—pele ga ge kereke e ka e amogela.”

⁷⁸ Bjale, e ka se be go tsopolwa ga Lengwalo, goba se sengwe sa go swana le seo. Modimo ga a ipoeletše ka Boyena. Eupša e tla ba tshebotšo go kereke. Gona ge baahlodi ba go loka ba re, “A re amogeleng seo. Go lokile, se be se le sa Morena.” Wa bobedi a re, “A re se amogeleng.” Molomo wa dihlatse tše pedi goba tše tharo, a nke lentšu le lengwe le le lengwe le tie. Gona kereke e a se amogela gomme ya ya go itokiša seabakeng sa sona. Ge seo se sa phethagale, seo sela se boletšwego, gona le na le moya wo mobe magareng ga lena. Yeo ke nnete. Gomme ge e ka phethagala, gona lebogang Modimo, Moya wa Modimo o magareng ga lena. Le a bona? Bjale, ke fao le swanetšego go šetša le go hlokomela. Kafao, le se leke go gapeletša. Nka se kgone go itira nnamong go ba le mahlo a matsotho mola ke na le a bolou, le a bona, ke swanetše ke kgotsofale ka mahlo a bolou. Bjale, fao ke moo matimone a šomago ka go sekga o sa batho ba semoya.

⁷⁹ Bjale re na le se sengwe sa go teba se etla fa, gomme ke a holofela ga se sa teba kudu. Bjale godimo ka go Samuele wa Pele 28, ke nyaka go bala Lengwalo le lengwe fa thwi ka go nako ye. Ke nyaka le theeletšeng ka kelohloko. Gomme ke nyaka go tliša “matimone,” go le bontšha ka fao a šomago thwi ka go kereke, le ka fao Sathane a nago le ketšaetsane go ye nngwe le ye nngwe ya kgonthe e lego gona. Bjale le ka bona, go ya ka Beibele, gore matimone a tla magareng ga Bakriste gomme a ekiša.

⁸⁰ Gomme dinako tše dintši re begile batho go ba Bakriste ge ba rile, “Ke dumela go Jesu Kriste.” Gobaneng, bodiabolo ba dumela selo sa go swana, gomme ba thothomela. Seo ga se leswao o phološitšwe. Bjo bongwe bja mašego a ke nyaka go tla go kgetho, gomme morago le tla bona seo phološo e se rago. Le a bona? Ga se selo o ilego wa swanelwa go dira le yona, le mathomong, goba mafelelong, goba ga go selo o ka go se dira mabapi le yona. Modimo o phološa motho, ntle le mabaka. Mošmane, yeo e nweletše go teba, a ga se e dire? Bjale, o ka no ntšha seo ka ntle ga tshepetšo ya gago, ge re sa le go yona. Go lokile.

⁸¹ Abraham o be a le mathomo a tumelo ya rena. A yeo ke nnete? Oo, Abraham o bile le tshepišo. Gomme Modimo o biditye Abraham ka gobane o be a le monna yo mogolo, ke a thanka? Aowa, mohlomphegi. O tla ntle go tšwa Babilone, ka go—ka go

naga ya Kaladea, ka go toropokgolo ya Uri, gomme Modimo o mmeditše gomme o dirile kgwerano ya Gagwe le yena, ntle le mabaka. “Nna ke ya go go phološa. Gomme e sego wena o nnoši, Abraham, eupša Peu ya gago,” ntle le mabaka.

⁸² Modimo o dirile kgwerano le motho, gomme motho o roba kgwerano nako ye nngwe le ye nngwe. Motho ga se nke a boloka kgwerano ya gagwe le Modimo. Molao ga se nke wa bolokwa. Ba be ba sa kgone go boloka molao. Kriste o ile a tla le go roba molao, Yenamong, gobane mogau o be o šetše o fane ka Mophološi. Moshe o fane ka tsela ya go phologa, gomme go phologa, a ke re, gomme morago batho, ka morago ga seo, ba be ba sa nyaka se sengwe go dira. Motho ka mehla o leka go dira se sengwe go iphološa yenamong, mola o ka se kgone go e dira. Ke tlhago ya gagwe. Ka pela ge a hweditše o be a ponoka, ka serapeng sa Edene, o dirile dithethwana tša mahlare a mogo. A yeo ke nnete? Eupša o hweditše di ka se šome. Ga se gona motho a ka se dirago se ka go go phološa wenamong. Modimo o a go phološa, ntle le mabaka, gohle go theoga go kgabola lebaka. Gomme gona ge o phološitšwe, o phološitšwe.

⁸³ Lebelelang Abraham. Moisa yola o be a le fale, o ile godimo, gomme Modimo a mo fa naga ya Palestina le go mmošša go se e tlogele. Mojuda ofe kapa ofe yo a tlogelago Palestina o be a kgelogile. Modimo o mmoditše go dula fale. Ge Modimo a go botša go dira se sengwe se rilego, gomme ga o se dire, gona o kgelogile. A seo ke nnete? Go lokile, komelelo e tla godimo, go leka tumelo ya Abraham. Gomme sebakeng sa gore Abraham a dule fale, aowa, o be a ka se dule fale, o tšhabetše kgole, gomme o tšere Sarah le go ya e ka ba dimaele tše makgolo tharo (ke duma nka be ke hwetša nako go tla go seo) go theogela go naga ye nngwe.

⁸⁴ Gomme ge a fihla tlase fale, gomme gona o hweditše kgoši ye kgolo ye tlase fale, Abimeleke. O be a le moisa yo moswa gomme o be a nyakane le pelobose, kafao o hweditše mosadi wa Abraham, Sarah, gomme a thoma go wela leratong le yena. Gomme Abraham o rile, “Bjale, o mmošša gore ke wena kgaetšedi ya ka gomme nna ke ngwaneno wa gago.”

⁸⁵ Kafao seo se thabišitše Abimeleke, kafao o rile, “Go lokile, re tla no ragela pele go ya sebong.” Gomme ke a thanka basadi ba mo hlamile godimo, gomme o be a eya go mo nyala letšatši le le latelago.

⁸⁶ Gomme Abimeleke o be a le monna wa go loka, monna wa toko. Gomme bošegong bjoo, ge a sa robetše, Morena o bonagetše go yena gomme o rile, “Wena o no ba gabotse bjalo ka monna yo a hwilego.” O rile, “Wa monna . . . Mosadi yo o nago ntle fale go mo nyala, ke mosadi wa monna yo mongwe.” Bjale šetšang. “Mosadi wa monna yo mongwe.”

87 Gobaneng, o rile, “Morena, O tseba botshepegi bja pelo ya ka,” monna wa toko, monna yo mokgethwa. “O tseba botshepegi bja pelo ya ka. Monna yola o mpoditše yola e be e le ‘kgaetšedi’ wa gagwe. Gomme a ga se a mpotša, ka boyena, gore yola e be e le ‘ngwanešu wa ka?’”

88 O rile, Modimo o rile, “Ke tsebile botshepegi bja pelo ya gago, gomme leo ke lebaka Ke go thibetšego go senya kgahlanong le Nna. Eupša yola ke moprofeta wa Ka!” Haleluya!

89 O be a le eng? Mokgelogi, gomme yo monnyane, moaketši wa dihlong. A yeo ke nnete? Oo, aowa, ga go na maaka a manyane a mašweu. Ona ke maaka a maso goba ga se maaka le gatee. Monna o dutše ntle fa o bolela maaka a pepeneneng, a re yola ke “kgaetšedi” wa gagwe mola e be e le mosadi wa gagwe, a rarela rarela le sethokgwa, le go kgeloga.

90 Gomme fa go be go le monna wa toko a eme pele ga Modimo, gomme o rile, “Morena, O tseba pelo ya ka.”

91 “Eupša Nka se kwe thapelo ya gago, Abimeleke, eupša mo tšee. . . mo tšeele morago gomme o mo dumelele a go rapelele. Yena ke moprofeta wa Ka; Ke tla mo kwa.” Ya, mokgelogi, moaketši, eupša, “Yoo ke moprofeta wa Ka.” Yeo Therešo? Yeo ke Beibele.

92 Bjale, le se ye kgole kudu godimo fa ka go lehlakore la Bocalvini, “Gatee ka go mogau, ka mehla ka go mogau,” gobane o tla tla ka go kgobogo. Le a bona? Bjale, feela nakwana, re tla hwetša nako beke ye go tliša seo godimo le go le bontšha ka fao se lego go lekanela. Eupša o se nagane feela gobane o dirile se sengwe sa phošo gore o etše sa ruri. Wena o ngwana wa Modimo, o belegwe ke Moya wa Modimo, le barwa le barwedi ba Modimo, gomme dikenywa di tla rwala bohlatse bja yonamong. Ke lena fale.

93 Bjale, ke rena fa, re dutše ka mo nageng. Bjale, ke nyaka go bala fa, temana ya 6.

Gomme ge Saulo a botsišitše MORENA, MORENA a se mo arabe, le ge e ka ba ka toro, goba ka Urim, goba ka moprofeta.

Gomme gona gware Saulo go bahlanka ba gagwe, Nnyakeleng mosadi wa moya wa bonoge, gore ke ye go yena, le go mmotšiša.

Nka bea se sengwe go kokotela thwi fale, bakeng sa feela. . . “Nnyakeleng mosadi wa moya wa bonoge.”

. . . Gomme mohlanka wa gagwe o rile go yena, Bonang, go na le mosadi yoo a nago moya wa bonoge ka En-doro.

Gomme Saulo a ikgakantšha yenamong, gomme a apara diaparo, diaparo tše dingwe, gomme o ile, ba babedi. . . gomme banna ba babedi le yena, gomme

ba tlile go mosadi bošego: gomme ba rile, ke a go rapela, . . .-kolele go nna ka moya wa gago wa bonoge, gomme o ntlišetše . . .godimo, yoo ke tla go go botša yena.

Gomme mosadi o rile go yena, Bona, o tseba seo Saulo a se dirilego, o a tseba, o ripele go tloga bohle bao ba nago le moya wa bonoge, gomme . . .baloi, ka ntle ga naga: kagona . . .o bea molaba bakeng sa bophelo bja ka, le go ntlholela go hwa?

Gomme Saulo o arabile, a mo enela ka MORENA, a re, Bjalo ka ge MORENA a phela, go ka se be le kotlo e tla go diragalelago . . .

Ka gona mosadi o rile, ke Mang ke tla mo tlišago godimo . . .wena? Gomme o rile, Ntlišetše Samuele.

Gomme ge mosadi a bone Samuele, o goeditše ka lentšu le legolo: gomme mosadi o boletše le Saulo, a re, Gobaneng o mphorile? ka gore ke wena Saulo.

Gomme kgoši o rile go yena, O se boife: ka gore ke eng o e bonego? Gomme mosadi o rile ke . . .go Saulo, ke bone medimo e rotoga go tšwa lefaseng.

Gomme o rile go yena, Ke sebopego sefe a bego a le ka go sona? Gomme o rile, Monna wa go tšofala o rotogetše godimo; gomme o apere kobo. Gomme Sam- . . .(Yeo ke kobo yela ya moprofeta, ka nnete. Le a bona?) . . . bone gore e be e le Samuele, gomme o eme le . . .gomme sefahlego sa gagwe fase, gomme a inama yenamong.

Gomme Samuele o rile go Saulo, Gobaneng o ntshwenya, le go tliša nna godimo? Gomme Saulo a araba, gomme o rile, ke tlaletšwe kudu; ka lebaka la Bafilisita ba dira ntwaga kagahlanong le nna, gomme Modimo o tlogile go tloga go nna, gomme ga a arabe nna, le ge e le ka moprofeta, le ge e le ka toro: kagona ke . . . biditše go wena, gore o tla nkutollela seo ke swanetšego go dira.

Gomme gona Samuele o rile, Gobaneng . . .wena o botšiša . . .nna, o bona gore MORENA o tlogile go tloga go wena, gomme—gomme o fetogile lenaba la gago?

Gomme MORENA o dirile go yena, bjalo ka ge a boletše go nna: ka gore MORENA o kgeitše mmušo wa gagwe go tšwa seatleng sa gago, gomme o o file ebile go . . . Dafida:

⁹⁴ Bjale, bontši bja lena, le tseba se. Bjale re nyaka go ya ka gare thwi, gomme Modimo a re thuše bjale, bakeng sa nakwana e se kae, go tla ka go se. Bjale šetšang. Go be go na le monna, Saulo, yoo gatee a ilego a tšeelwa go ba moprofeta, ka gore o profetile le baprofeta. A yeo ke nnete, barutiši? Bjale, fa monna o be a kgelogile. A yeo ke nnete? Eupša elelwang moo Samuele a rilego

o tla ba, le yena, go letšatši le le latelago. Go tloga pele ga nako, le a bona. Go lokile, ge le sa tshwenyega ka Modimo, Modimo o tla go tšea go tloga lefaseng.

⁹⁵ Lebelela ka go lengwalo ba Bakorinthe fa, ka fao Paulo a beago batho bale ka tshwanelo. O rile, “Sa pele, ke leboga Modimo bakeng sa lena, gore ga go na dilo tše bjalo magareng ga lena, le go ya pele, le ka fao gore—gore lena ga le hlaelelwe ke mpho ya moya.” Go ba botša seo ba bego ba le, ka maemo, ka go Kriste. Morago a thoma go tlogela hamola tlase godimo ga bona, go ba botša ka bareri ba bona ba basadi, le ka fao ba bego ba dira, le ka fao ba bego ba eja mo tafoleng ya Morena.

Gomme ebile monna yo motee a dula le mmane wa gagwe, gomme o boletše se go monna ka go Kriste, “Mo lahleleng godimo go diabololo, bakeng sa tshenyego ya mmele, gore soulo e phološwe.” Le a bona, yeo ke yona, mo lahleleng godimo. Beibele e rile, “Ka lebaka le ba bantši ba a babja le go fokola magareng ga lena, le ba bantši ba a robetše,” o ile pele ga nako ka lebaka la sebe. Modimo o go ntšhetša ntle ga tsela; leswao le lekaone o be o le Mokriste, ge e ba o be o tšerwe.

⁹⁶ Kafao, bjale hlokomelang fa, Saulo o tšetšwe go ba yo mongwe wa baprofeta, goba magareng ga baprofeta, ka gobane o profetile. Gomme bjale o be a kgelogile, ka gobane o nyaditše Modimo, gomme mmušo wa gagwe o ile wa kgeilwa ntle ga seatla sa gagwe gomme wa bewa ka seatleng sa Dafida, yoo Modimo a mo tloditšego ka Samuele, ka kgapana ya oli.

⁹⁷ Hlokomela, gona, go be go na le ditsela tše tharo tšeo ba bilego le tšona tša go nyakišiša dilo go tšwa go Modimo; ya pele e bile—e bile moprofeta, ya bobedi e bile toro, ya boraro e bile Urim Thummim. Gomme ga go le yeo e arabilego. Bjale, le a tseba seo moprofeta a lego, le a tseba seo toro ya semoya e lego, gomme le a tseba seo Urim Thummim e bilego. Le a tseba, letšatši le lengwe ke botšišitše mo—mo monna mabapi le Urim ke eng, gomme monna yoo ga se a kgona go mpošša seo e bego e le, Urim Thummim. Nnete, e be e le Modimo a araba ka tšeo. Le a bona?

⁹⁸ Gomme diabololo o dira nkekišane ya ye nngwe le ye nngwe ya tšela; senoge, moprofeta wa maaka, le molebelela galase. Le a bona?

Bjale, Urim Thummim e be e lekelela mo sehubeng sa Arone, *fa*, gomme Urim Thummim e khupeditše godimo matlapa ale. Gomme ba e lekeletša ka tempeleng. Gomme ge ba be ba se na kgonthe, ba be ba etla pele ga Modimo, ka karabo, gomme seetša se tla panya go Urim Thummim yela, yeo, ge e ba ke thato ya Modimo, goba aowa. Bjale ge Urim Thummim e ka se araba. . . Bjale, yeo e be e le karabo thwi go tšwa go Modimo.

Bjale, Urim Thummim ya lehono; mmolelelamahlatsepele o tšere kgwele ya galase, go swantšha Yela; selo sa maaka. Modimo a ka borarong; maatla a Modimo a ka borarong. Gomme diabololo

o ka borarong, gomme maatla a gagwe a ka borarong. Gomme nka e netefatša go lena ka Beibele. Gomme Urim Thummim yela; e be feela e le kgwele ya galase yeo diabololo a e šomišago lehono. Gomme moprofeta wa maaka morago fa lehono, yena yo re nago le yena bjale, o be . . . Goba, senoge, goba mmolelelamahlatsepele ntle kua, o tšere sekgoba sa moprofeta, ka lehlakoreng la diabololo. Le bona seo ke se gago?

⁹⁹ Bjale, gona, Urim Thummim lehono ke Beibele ye. Ge yo mongwe a file seprofeto goba toro, gomme ga e bapele goba go kwagala le Beibele ya Modimo, ke maaka. O se e dumele.

¹⁰⁰ Monna o tla go nna e se kgale botelele, go tšwa India, fao ke itokišetšago go ya, moreri yo monnyane yo mokaone. O rile, “Ngwanešu Branham, ke tla godimo fa.” O rile, “Mosadi o bile le Moya wo Mokgethwa, gomme,” o rile, “o be a no ba yo mobosebose, mosadi wa go loka kudu.” O rile, “Gomme o be a nyetšwe makga a mane, gomme o be a phela le monna wa gagwe wa bone. Gomme ke rile, ‘Gabotse, seo se ka kgonega bjang, Morena?’” Gomme o rile, “Ke ile go Yena gomme ke rile, ‘Oo, letago go Modimo!’ Ke rile, ‘Haleluya! Tumišang Morena!’” Feela ye nngwe ya mohuta woo, o a tseba. “Rile, ‘Haleluya! Tumišang Morena!’” Rile, “Morena o mpoditše, ‘Fa, ke ya go go fa toro.’” Gomme o rile, “Ke lorile gore mosadi wa ka, ke mmone a phela ka bootsweng. Gomme o tla morago go nna gomme o rile, ‘Oo, a o tla ntshwarela, Victor? A o tla ntshwarela? Ga se ke. . .’ ‘Gobaneng,’ ke rile, ‘nnete, ke tla go swarela le go go tšea morago.’” O rile, “Bjale, seo ke se ke se dirilego.” O rile, “O a bona, ke a swarela.”

¹⁰¹ Ke rile, “Victor, toro ya gagwe e a ratega ka maatla, eupša diabololo go file yona.”

O rile, “Gobaneng?”

¹⁰² Ke rile, “Ga e bapele le Lentšu la Modimo. O phela ka bootsweng. Ka phethagalo. A ka se kgone go phela le banna ba bane. Nnete. O tlogela yola gomme a ya morago go wa gagwe wa pele, o befile kudu go feta a bile mathomong. O swanetše go phela a se a nyalwa, bophelo bja gagwe ka moka.” Ke rile, “O a tseba seo ga se bapele le Lentšu la Modimo. Kafao wa gagwe. . . Toro ya gago e be e fošagetše.” Ke rile, “Ga e bapele le Le.”

¹⁰³ Gomme ge moprofeta a file seprofeto, gomme ba boletše, gomme ba nyakile go bona ge eba seprofeto seo e be e le therešo, ba se beile pele ga Urim Thummim. Gomme ge Lentšu la Modimo le fošeditše dietša godimo ga Urim Thummim, gona e be e le gomangkanna, Therešo. Gomme ge monna a efa tlhathollo, a efa toro, a efa se sengwe sa Beibele, gomme, goba se sengwe gape, gomme ga e bapele le Beibele ya Modimo, ke maaka. Go na le Urim Thummim lehono. Lentšu la Modimo le a bolela, gomme leo ke Lentšu la Modimo thwi, go swana le Urim Thummim e bile pele Beibele e ngwalwa. Amene! Haleluya! Ke kwa mohuta

wa bodumedi bjale thwi. Le se ke la ntšea lehlanya, ge e ba le dira. Ke a tseba, ke tseba fao ke lego. Ga se ka thantshelwa. Yeo ke nnete.

¹⁰⁴ Še Therešo, Lentšu la Modimo! Ga ke tshwenyega ke mohuta mang wa toro o bilego, goba ke mohuta mang wa seprofeto o se filego, ge e se Lentšu la Modimo, ke phošo, ge e sa bapele le Lentšu leo. Seo ke se bothata bo lego lehono. Yo mongwe o na le toro, yo mongwe o na le pono, yo mongwe o na le leleme, yo mongwe o na le kutollo; e dirile selo ka moka se hlakahlakane le se sengwe le se sengwe, le na le dikereke tša maina le go kgaoganya se sengwe le se sengwe. Le swanetše go e tliša morago go motheo wa mafelelo, gomme woo ke Lentšu la Modimo. Yeo ke therešo.

¹⁰⁵ Dikereke di agilwe godimo ga e tee, o rile “Oo, Jesu o tla ka pere e tšhweu. Ke a tseba. Ke Mmone mo ponong.” Ba dira kereke ya mohuta woo. “Oo, haleluya! O tla godimo ga leru.” Ba e dira ka mohuta woo. Ba ba arogantšha, le go aroganya, le go bitšana “hлага sa legokobu,” le “bolota kgofa,” le se sengwe le se sengwe go swana le seo. Gobaneng, ngwanešu, go laetša, le mathomong, pelo ya gago ga se e loke le Modimo ge o dira seo. Yeo ke nnete. Rena re banešu. Re swanetše re gomarelaneng. Re a hlokana.

¹⁰⁶ Bjale lebelelang. Saulo o be a kgelogile, gomme o ya godimo. Yena, Modimo, o be a retolotše sefahlego sa Gagwe go tloga go yena. Gomme o ile godimo le go botšiša le baprofeta. Baprofeta ba ile le go leka go profeta, gomme Modimo o kgaotše go tloga, a se fe pono. Moprofeta o tšwetše ntle, o rile, “Ga ke kgone. Aowa. Ga a ke a mpošša selo ka wena.”

¹⁰⁷ Gabotse, gona o rile, “Morena, mphe toro.” Bošego morago ga bošego, ga go toro e tlilego.

¹⁰⁸ Morago o ile ka go Urim Thummim, gomme o rile, “O Modimo! Ke lekile baprofeta, ke lekile ditoro, bjale Nthuše. A O tla e dira?” O e kgaotše go tloga, ga go Seetša se pantšego le gannyane.

¹⁰⁹ Morago o tshepetše go senoge, sa tlase, sa go goboga. Gomme o ile go yena, gomme a gogoba ka fale le go ikgakantšha yenamong. Gomme senoge se se ile ntle le go biletša godimo moya wa Samuele.

¹¹⁰ Bjale, ke tseba seo le se naganago. Ba bantši ba rile, “Yoo e be e se Samuele.” Eupša Beibele e rile e be e le Samuele, gomme e be e le Samuele. Go a tlabana ka fao le swarago seo, a ga se yona? Eupša yola e be e le Samuele. Beibele e rile o be a le.

¹¹¹ Gomme senoge sela se kgonne go mmiletša godimo, gomme se bileditše Samuele godimo. Gomme Samuele o be a le felotsoko gape, eupša a lemoga seo se bego se dirwa, gomme o be a sa eme ka kobo ya gagwe ya moprofeeta godimo ga gagwe. Kafao, ngwanešu, ge o ehwa, ga se o hwe, o a phela felotsoko, felotsoko gape.

112 A nke ke eme feela motsotso, go tliša botimone bjo tlase feela nthatana gannyane. O be a le letimone, eupša o be a kgothagane kgauswi le lefase la semoya. Bjale, lehono, go na le boramemeoya ba bantši bao ba tsebago ka kgonthe bontši ka ga lefase la semoya go feta batho bao ba ipolelago ka bobona go ba Bakriste, go le bjalo yena ke letimone. Mo mehleng ya Beibele e be e le selo sa go swana.

113 Ge Jesu a be a le mo lefaseng, go be go na le bona diprofesa le dirutegi le barutiši, ba bangwe ba bakaonekaone ba bego ba le gona, ka ntle ga diseminari tše kaone go feta re ka tšweletša lehono. Gomme ba bakgethwa, banna ba batsebalegi, ba be ba swanetše go ba. Ge Molefi a hweditšwe, o be a swanetše go hwetšwa a se na bosodi, a lokile ka tsela ye nngwe le ye nngwe. Gomme go le bjalo monna yola o be a sa tsebe kudu ka Modimo go feta mmutla o tsebile ka dieta tša lehlwa. Ge Jesu a etla, o paletšwe ke go Mo lemoga, gomme o biditše Jesu “diabolo.” O rile, “Yena ke Beletsebulu, mokgoma wa diabolo.” A yeo ke nnete?

114 Gomme fa go tla mohuta wa fasefase wa letimone, woo o bilego le monna a tlenngwe ntle kua ka mabitleng, gomme se sengwe le se sengwe, gomme ba goeleditše. Diabolo ka boyena o rile, “Re a tseba Wena o Mang. Wena o Morwa wa Modimo, Yena yo Mokgethwa.” A yeo ke nnete? Baloi le dinoge, bodiabolo, ba Mo lemogile Morwa wa Modimo; mola ba go rutega, bareri ba seminari ba thutamodimo ba Mo lemogile go ba Beletsebulu. Ke ofe a bego a nepile, diabolo goba moreri? Diabolo o be a le. Gomme, ngwanešu, ga se e fetoge kudu gakaalo lehono. Ga ba lemoge maatla a Modimo.

115 Ga se tshwenye kudu ka fao o nago le thuto, o ka pidinya seo ka go wena. Modimo ga a ka go mantšu a makoto. Modimo o ka go pelo ya go botega. O ka no ema fa, wa bolela mantšu a makoto, go swana le ga ke tsebe ke eng, seo ga se go batametše kgauswi le Modimo. O ka ema le go ikatiša ka fao o ka boeletšago thero ya gago le go bolela dilo tše, seo ga se go batametše kgauswi le Modimo. O ka ithuta pukuntšu go fihla o robala le e tee, gomme le bjale e ka se go batametše kgauswi le Modimo. Ya go ikokobetša, pelo ya go ineela, ka bonolong, ke seo se go tlišago go Modimo. Gomme seo ke therešo. Amene! Pelo ya go ikokobetša, Modimo o a rata. Bjale, ga go tshwenye ge o sa tsebe boABC ba gago, seo ga se dire phapano ye e itšego. Feela pelo ye e ikokobeditšego! Modimo o dula ka go pelo ye e ikokobeditšego; e sego ka go thuto, ga se ka go dikolo, e sego ka go thutamodimo, diseminari, e sego ka go mafelo ohle a a mangwe a go fapana; e sego ka go mantšu a makoto, goba e sego ka go mafelo a manobonobo. Modimo o phela ka go pelo ya motho. Gomme botlase bjo o ka go ithobela fase ka bowena, bontši bonolo, o ka ba yo mogolo mo pele ga Modimo.

116 A nke ke le fe se sengwe. Ke bona mašemo a lena a tletše ka korong ntle fa. Hlogo ye e tletšego ya korong ka mehla e a inama. Lehlaka le lennyane le emelela godimo fale, gomme le phaphasela go dikologa o ka re le tseba se sengwe le se sengwe, ga e naso ka hlogong. Yeo ke tsela ka bontši bja mathaka a ao a naganago ba na le bontši ka moka ka hlogong tša bona, gomme ga go selo ka dipelong tša bona, go le bjalo. Hlogo ye kgethwa e inamela Maatla, e lemoga Jesu Kriste bjalo ka Morwa wa Modimo, le go dumela mediro ya Gagwe.

117 “Gomme O a swana, maabane.” Oo, ba a Mo lemoga, nnete, ka go leemo la histori. Eupša ga se selo sa histori. Batho ba emelela godimo le go re, “Oo, ke dumela Pentecost, ge ba bile le go tšhollwantle go gogolo le dilo go swana le tšeo,” gomme wa penta mollo. Monna yo a omeletšego a ka se huthumatšwe ke mollo wa go pentwa. Mollo wa go pentwa ga o huthumatše. Seo ke se ba bilego. Ke eng lehono, ge A le wa go swana maabane, lehono le go ya go ile? Woo ke mollo wa go pentwa. Moisa tsoko a omeletšego go hwa, o re, “Lebelela mollo wola wo mogolo ba bilego le wona.” Gobaneng, woo ga o go huthumatše.

118 Seo ba se dirilego ka Pentecost, seo ba bilego le sona ka go Testamente ya pejana, re naso lehono! Gomme ka pela ge Modimo a ka hwetša selo se šidullotšwe ntle, gomme Kereke e dutše mmogo, Tlhatlogo e tla tla. Eupša ebile ga re kgone go hwetša tumelo bakeng sa phodišo Kgethwa, tlogelang Tlhatlogo, gobane bohle re phetlegile godimo, yo mongwe ka tsela *ye* gomme yo mongwe ka tsela *yela*. “Ngaka *Semangmang* o rile E bile *ye*. Gabotse, moreri wa ka o rile O be a le *Se*.”

119 Nakwana ya go feta, mosadi o rile, “Yena o no ba moaketši.” O rile, “Moprasta wa ka o mpoeditše bjalo.” Ke duma moprista wa gagwe a ka tla tlase fa gatee, re tla bona ke mang a lego moaketši. Ya. Re tla bona ke mang a lego moaketši. E tla o e leke.

120 Fa e se kgale botelele, ka Harlingen, Texas, re be re na le tirelo fao. Gomme ba be ba na le maswao a magolo, gohle ntle godimo ga dikoloi bošego bjoo ge ke ile godimo fale, go boletšwe go re FBI e be e le fale go ntshenola bjalo ka moaketši. Kafao mosetsana yo monnyane o be a fodišitšwe godimo ka Texas fale felotsoko. O be a le godimodimo, gomme, ke—ke a thanka, go ka ba dimaele tše sekete, godimodimo tikologong ya Panhandle. Gomme se e be e le tlasetlase ka Harlingen, tlase mo mollwaneng. Ngwanešu Baxter a tla, o rile, “Ngwanešu Branham,” o rile, “ga se nke wa bona tlhakatlhakano ye bjalo tlase fale, e ka ba batho ba dikete tše nne goba tše tlhano.” Gomme o rile, “Gomme gona, gohle tikologong, FBI e ya go go swara mo sefaleng bošegong bjo, le go go senola.”

Ke rile, “Gabotse, ka kgonthe ke thabela seo.”

121 O rile, “O tseba mosetsana yola yo monnyane yola wa go fodišwa bošego bjo bongwe?”

122 Ke be ke etla gae go tšwa... ke eya ka kamoreng ya ka. Ke kwele se sengwe se lla, gomme ka lebelela go dikologa. Ke naganne mohlomongwe yo mongwe o be a hlasetšwe. E be e le mosetsana. Gomme ke lebeletše morago. Ke rile... Gomme ke gomile, ke rile, "Bothata ke eng, Khumagadi?" Gomme e be e le basetsana ba babedi ba bannyane ba eme fale, e ka ba lesomešupa, lesomeseswai bogolo bja mengwaga, mongwe le mongwe, matsogo a bona a dikologile yo motee go yo mongwe, ba lla.

123 O rile, "Ngwanešu Branham!" Ke tsebile nako yeo gore ba ntsebile. O rile, "Rena, ke mo tlišitše tsela yohle tlase fa." O rile, "O swanetše a ye lefelong la digafi." Gomme mosetsana yo monnyane o be a le ka go kopano ya ka godimo ka Lubbock, Texas. Gomme o rile, "Ke tsebile ge nka tsoge ke mo tlišitše tlase fa gomme o tla mo rapelela, ke dumela Modimo o tla mo fodiša."

124 Gabotse, ke naganne, "Ke tumelo e bjang!" Gomme ke rile, "Gabotse, bjale, kgaetšedi, o ka kgona go mo tliša..." Gomme feela morago ke rile, "O tla tlase fa ka koloi ya selahla se serolwana, a ga se le ke?"

O rile, "Ee!"

Gomme ke rile, "Mmago ke segole."

O rile, "Yeo ke nnete."

Ke rile, "Ke wena wa kereke ya Methodist."

O rile, "Yeo ke therešo tlwa."

125 Gomme ke rile, "Mo tseleng tlase, le nyakile go menoga. Wena le mosetsana yo le be le sega ge le etla go dikologa fao go be go go le seripa sa khonkhoriti le seripa sa mobu wa go redimoga, gomme le be le tepogela mo khoneng."

O rile, "Ngwanešu Branham, yeo ke therešo!"

Ke rile, "Gomme, GO RIALO MORENA, mosetsana o fodile."

126 Letšatši la go latela o be a tshuma toropo godimo, a botša mang le mang, a eya go rarela mabapi le yona. Nnete, ba be ba sa mo tsebe fale, ge e ba o kile a ba ka go seemo seo goba aowa. Gomme morago letšatši leo ke... Ngwanešu Baxter o rile, "Ngwanešu Branham," o rile, "basetsana bona ba tlase fale ba paka disutukheisi tša bona." Gomme se ke selo se tee seo a sa se tsebago seo ke se tsebilego. Matlotlo a rena a be a theogetše tlase. Ga nke ke mo dumelela go bolela ka yona. Eupša yo mongwe wa bona basetsana o be a beile ditolara tše makgolo senyane ka go moneelo wola—ka go wola bošego pele ga bjola, gomme ba rotošeditše matlotlo ale ka godimo. Bjale, o be a sa, ga a e tsebe go fihla letšatši le, eupša ke e tsebile. Le a bona? Gore ke... Modimo o mpoditše go tla loka.

127 Gomme Ngwanešu Baxter o rile, "Ngwanešu Branham," o rile, "bokaone o ntumelele ke dire go goga go gonnnyane." O rile,

“Ba bile fa le ba bangwe ba bafodiši ba Bakgethwa tlase fa bao ba sa tšogo goga batho ba.”

128 Ke rile, “Ga go selo. Aowa, mohlomphegi. O ka se e dire. Ngwanešu Baxter, ge o ka tsoge wa dira go goga bakeng sa tšhelete ka tsela yeo, yeo ke nako nna le wena re no šikinya diatla yo mongwe go yo mongwe bjalo ka banešu, ke tla ya ke nnoši. O a bona?” Ke rile, “Ga o dire yeo.” Ke rile, “Modimo o ruile dikgomo mo dithabeng tše dikete, gomme se sengwe le se sengwe ke sa Gagwe. Ke wa Gagwe. O tla ntlhokomela.”

O rile, “Go lokile.”

129 Gomme bjona bošego bjoo o rile, “Ngwanešu Branham, lebelela fa. Yo mongwe. . . Lebelela fa! Fa go na le omfolopo ka fa, ga go leina go yona, e na le tšhelete ya tolara tše makgolo senyane ka go yona. Feela tlwa seo re se hloka go batamela.”

Ke rile, “Ngwanešu Baxter.”

O rile, “Ntshwarele.”

130 Kafao nako yeo ke tsebile e be e le mosetsana yola. Kafao gona—gona letšatši le le latelago, Ngwanešu Baxter o rile, “Ngwanešu Branham, ba tlase fale ba paka diaparo tša bona, ba a lla.”

Ke rile, “Bothata ke eng?”

O rile, “Bokaone o theogeletse tlase le go ba bona.”

131 Ke theogetše tlase go kamora moo ba bego ba le. Ke rile, “Ba ka kamoreng efe?” Ke theogetše tlase fale gomme ka kokota mo monyako. Ke ba kwele ba lla. Ke kokotile mo monyako, gomme mosetsana a tla monyakong, o rile, “Oo, Ngwanešu Branham, ke maswabi.” O rile, “Ke go hloletše matshwenyego a ohle.”

Ke rile, “Matshwenyego? Bothata ke eng, kgaetšedi?”

O rile, “Oo, ke tlišitše FBI ka morago ga gago.”

Gomme ke rile, “Oo, a yeo ke nnete?”

132 O rile, “Ya.” O rile, “Ke a thanka ke pakile bontši kudu go dikologa toropo lehono, le se sengwe le se sengwe.”

Ke rile, “Aowa.”

133 Gomme o rile, “Ngwanešu Branham, FBI e godimo fale, e godimo fale, go ya go go senola bošegong bjo.”

134 Ke rile, “Gabotse, ge ke—ge ke dira e ka ba eng ya phošo, ke hloka go senolwa. O a bona?” Ke rile, “Kgonthe. Ge eba go rera Ebangedi go nyaka go senolwa, gabotse, a re e direng. Le a bona?” Ke rile, “Ke—ke—ke phela ka Beibele ye, gomme seo Beibele ye e sa se bolelego. . . Bjo ke boitšhireletšo bja ka, thwi fa. O a bona?” Gomme ke rile, gomme o . . .

O rile, “Gabotse,” o rile, “ke no ba maswabi gore ke dirile seo ke se dirilego.”

Ke rile, “Ga se nke wa dira selo, kgaetšedi.”

O rile, “Gabotse, ga se o tšhoge go ya godimo fale?”

Gomme ke rile, “Aowa.”

O rile, “Gabotse, FBI e fale.”

135 Ke rile, “Gabotse, ke bile le bona ba etla dikopanong tša ka pele gomme ba phološwa.” Ke rile, “Mna. Al Farrar. . .”

136 Mokapotene Al Farrar, bontši bja lena le tseba ka ga tshokologo ya gagwe godimo fale ka Tacoma, Washington, o phološitšwe, thwi tlase ka lefelong la go thunyetša. O tla ka kopanong, o rile, “Ke latetše monna yo bakeng sa mengwaga ye mebedi. Gomme ke kwele ka ga matlotlo, gomme ke e šeditše, le go ya go kgabola mogongwe le mogongwe.” Gomme o rile, “Ke Therešo, ga se le theeletše lehlanya bošegong bjo, le theeleditše Therešo.” O rile, “Yo mongwe wa banna mo sephodiseng, yoo ke bilego le ngaka go lekola ngwana wa gagwe le go mo romela go kgabola mothalo wa thapelo,” gomme o rile, “ngwana o boditšwe tlwa seo se bego se le phošo ka yena, le seo se mo hlagetšego. Gomme o rile, ‘Mo matšatšing a seswai lesea le tla boela sekolong, taba ya pholio.’” Gomme o rile, “Mo letšatšing la seswai lesea le ile morago sekolong.” O rile, “Ke mo latetše bakeng sa mengwaga ye mebedi,” pele ga batho ba dikete tše lesome. Seo e ka moka. . . Go na le seswantšho sa yona, kopano ya Seattle, ka go—ka go puku ya lena. O rile, “Ke nyaka lena bohle go tseba gore ga se le theeletše moradia tsoko wa bodumedi. Le theeleditše Therešo.” Mokapotene Al Farrar. Gomme letšatši le le latelago ke mo hlahletše go Modimo, gomme o amogetše kolobetšo ya Moya wo Mokgethwa, ka lefelong la go thunyetša, tlase ka go lefelo le legolo ntle fale.

Ke rile, “Mohlomongwe mothaka yo o tla dira sa go swana.”

Kafao o rile, “Na o tšhogle go ya godimo fale?”

137 Ke rile, “Go tšhoga? Gobaneng, ka kgonthe aowa. Ka kgonthe aowa. Gobaneng ke swanetše go tšhoga ge Modimo a nthometše go e dira? Ke Yena yoo a lwago dintwa, e sego nna.” Kafao ke rile, “Bjale, ke nyaka bohle ba lena go emela kgole.” Gomme kafao. . .

138 Re ile godimo go kopano yeo bošegong bjoo, lefelo le be le tletše wa go falala. Gomme mohlokomele fale o tla ntle, o rile, “Moruti Branham, ke hirile bana ba lesome ba Mamexican.” O rile, “Lebelela go fale, ‘Moruti Branham go senolwa ke FBI bošegong bjo, modumedi wa lehlanya,’” goba selo se sengwe gape go swana le seo. Gomme o rile, “E go ye nngwe le ye nngwe ya tšona dikoloi. Kgoramolla ntle. . .” O rile, “Ke hirile bana ba lesome ba Mamexican, ba ya go di kgoramolla tšohle le go di bea godimo fa.” O rile, “Oo, ke ikwa o ka re ge nka swara mothaka yola!”

139 Ke rile, “Se tshwenyega, mohlomphegi. Modimo o tla mo swara, o a bona.” Ke rile, “No mo tlogela a nnoši.”

140 Kafao o tlile godimo. Gomme bošegong bjoo ge re etla ka gare, nka se tsoge ka e lebala, re tsene ka kamoreng. Nna . . . Ngwanešu Baxter o opetše *Dumela Feela*. O rile, “Bjale, Ngwanešu Branham o re bošegong bjo go rena go tloga moagong.” O rile, “Ke ya morago ka mafelelong a morago le go dula fase.” O rile, “Ba itokišeditše go mo senola bošegong bjo fa mo sefaleng.” O rile, “Ke mmone mo dintweng tše thata tše dintši, le go bona Modimo a tšea lefelo la gagwe.” O rile, “Ke—ke no ya morago go yo dula fase.”

141 Ke sepeletše godimo. Ke rile, “Ke be ke no bala kgatišo ye nnyane fa yeo fao ke bego ke yo senolwa bošegong bjo mo sefaleng fa.” Ke rile, “Ke nyaka badiredi ba FBI bjale go tla pele le go ntshenola godimo fa mo sefaleng.” Ke rile, “Ke eme fa go šireletša Ebangedi; ke nyaka lena go tla le go ntshenola.” Ke letile. Ke rile, “Mohlomongwe ga se ba tšo ba eba fa.” Ke tsebile fao ke bego ke le. O be a šetše a mpontšhitše ka kamoreng ya ka godimo kua, seo se bego se yo direga, pele ke tloga, le a bona. Gomme ke rile, ke rile, “Mohlomongwe ke tla leta nthatana gannyane. A re ka opela sefela?” Gomme yo mongwe a tla godimo le go opela kopelonoši.

142 Ke rile, “Mna. modiredi wa FBI, a o ka gare goba ka ntle? Ke letile go senolwa. A o ka tla pele?” Ga go yo a go tla. Ke tšwetšepele ke maketše fao e bego e le. Morena o mpoditše gore e be e le eng. E be e le bareri ba babedi ba bakgelogi, gomme ke—ke be ke šeditše. Ke bone morithi wo moso o lekeletše mo sekhutlong. Ke tsebile mo e bego e le. Ke lebeletše godimo fale, gomme e šuthile thwi godimo gomme e ile godimo ka go lebato la godimo ka tsela ye. Monna ka sutu ye bolou godimo, yo mongwe ka ye tshehla.

143 Ke rile, “Bagwera, ga go na FBI. FBI e na le eng le go rera ga Beibele?” Ke rile, “Ka kgonthe ga go. Ba be ba se badiredi ba babedi ba FBI go ntshenola. Eupša, tshenolo še, fale ba dutše thwi godimo fale, bona bareri ba babedi thwi fale.” Gomme ba theogetše tlase. Ke rile, “Se theogeleng tlase ka tsela yeo.” Gomme ba babedi ba bona Matexan a magolo ba be ba ile godimo fale le go ba swara. Ke rile, “Aowa, baena, ye ga se taba ya nama le madi, no dulang le re tuu. Modimo o tla e hlokomela.”

144 Ke rile, “Bjale, baena, lebelelang, ge le sa le godimo fale, lebelelang tsel- tsela ye.” Ke rile, “Ge. . . Le rile ke nna Simone wa sedupe, ka tlase ga boloi, ke be ke loya batho.” Ke rile, “Ge ke le Simone wa sedupe, gona le monna wa Modimo. Bjale le theogela tlase mo sefaleng. Gomme ge eba ke le Simone wa sedupe, a nke Modimo a nrathe ke hwe. Gomme ge eba ke le moprofeta wa Modimo, le theogela tlase gomme a nke Modimo a le rathe le hwe. Bjale re tla bona yo a rerešago le wa phošo. Bjale le theogela tlase. Re tla opela sefela.” Go tšwa ka moagong woo ba sepetše, gomme ga se nke ra ba bona ge e sa le. Le a bona? Ke rile “Tlang pele. Ge ke le Simone wa sedupe, a nke Modimo

a nrathe ke hwe. Gomme ge ke le moprofeta wa Modimo, gona Modimo o tla le ratha la hwa ge le theogela go sefala se. Ge ke le therešo pele ga Modimo, Modimo o tla le dira le hwe mo sefaleng se.” Ba tsebile bokaone. Yeo ke nnete. Ba tsebile bokaone. Ba kwele go tšwa mafelong a mangwe. Yeo ke nnete. Kafao le se tsoge le naganne eupša seo Modimo o sa le Modimo. O a araba.

¹⁴⁵ Bjale, senoge sa En-doro, o bileditše godimo moya wa Samuele. Gomme Saulo o boletše le Samuele. Bjale, le ka makala seo se ka diragala bjang. E ka se kgone go direga lehono. Aowa, mohlomphegi. Ka gobane, madi a dipoo le dipudi a be a no leta bakeng sa nako ya phethagalo. Ge motho a hwile ka go ona matšatši. . . Bareri, nthekgeng ge le nagana Yona ke nnete. Ge motho a hwile, o hwile ka tlase ga poelano ya phoofolo, gomme soulo ya gagwe e ile Paradeising. Gomme o dutše fale go fihlela, go—go Letsatši la Topollo. Gomme soulo ya gagwe e be e le ka fale.

¹⁴⁶ A nke ke le thalele seswantšho se sennyane fa. Ke ba bakae ba badilego athekele ya ka, goba athekele ba e ngwadilego mabapi le nna ka go *Reader's Digest* fa, e ka ba ka go Oktobere, kgatišo ya Nofemere? Go lokile. Afa le lemogile ka fao seo se bilego? Afa le lemogile, e ka ba beke tše pedi goba tše tharo pele ga fao, sedupe se segolo se sa go tuma fa seo se bego se sekišwa ge e sa le nako ye telele ya go feta, yena, Moh Piper. Afa go na le yo a kilego a bala yeo, athekele ya Moh Piper ka go *Reader's Digest*? A ga go tlabo ka fao yona meboya ye mebedi. . .

¹⁴⁷ Ke nako e kae re nago le yona? Aowa eupša feela ye nnyane. Ke masomepedi ka morago, feela ke tla swanela go potlaka. Ke a tseba le swere. . . Lebelelang, ntshwareleng bakeng sa motsotso.

¹⁴⁸ Le a tseba, go na le—go na le maaka. Go na le therešo le maaka go se sengwe le se sengwe. Ge ke go fa tolara, gomme ka re, “A ye ke tolara ye botse?” Gomme o tla e lebelela, e tla swanela go bogega bontši gabotse go swana le tolara ya kgonthe goba o ka se e dumele. A yeo ke nnete? Kafao e tla swanela go ba ka kgonthe kekišo ye botse.

¹⁴⁹ Gomme ge Jesu a rile meboya ye mebedi ka matšatšing a bofelo e tla ba go batagana bjalo go fihla e tla fora bona Bakgethiwa ge go kgonagala, batho ba bodumedi. Bjale elelwang. Bjale, ga go na selo ntle fale ka go bona ba kgale go ton-. . . meh-. . . go tonya, mehla. Ka ntle ba no ba le sebopego sa bomodimo, le a bona. Eupša meboya ye mebedi ye, meboya ya kgonthe, e tla batamelana bjalo go fihla e tla fora bona Bakgethiwa, ka fao ba bego ba šoma lehlakore ka lehlakore ka go matšatši a bofelo. Afa Jesu o boletše seo? O dirile.

¹⁵⁰ Bjale šetšang, bagwera, ke ya go le thalela seswantšho se sennyane. Ke nyaka le lebelele go fa feela motsotso. Gomme mpheng šedi ya lena ka moka, gobane ke ya go le fa tshwantšho, gomme gona le tla e bona.

¹⁵¹ Bjale, ka go *Reader's Digest*, e ngwadilwe godimo fale, ke be ke eme ntle fale, re bile le batho ba makgolo a masomepedi šupa ba letile go rapelelwa, ba eme ntle fale. Le badile athekele. Gomme monna o tla tlase go tšwa Canada, gomme o bile le mošemane yo monnyane yoo a bego a le go ba Mayo le John Hopkins, bolwetši bja bjoko go tšhoša bjoo bo gogetšego diatla tša gagwe tše dinnyane ka gare ka tsela *ye*, gomme bo gogetše maoto a lona godimo ka tlase ga lona. Gomme ba rile, “Ga go na le ge e ka ba karo goba selo se ka go dirwa.”

¹⁵² Kafao o le tšetše morago go Canada. O rile, “Ga se ke fenywe le go le bjalo.” Le hwetša kgatišo ya Nofemere ya *Reader's Digest*, gomme e bitšwa mo—mo—mo *Mohlolo wa Donny Morton*. Gomme—gomme nako yeo go boletšwe gore, ka fale, gore mo—gore monna o rile, “Ga se ka fenywa le ge go le bjalo, ka gobane ke tseba mofodiši wa tumelo a bitšwago William Branham, yoo a hlotšego ba babedi ba bagwera ba ka bao ba bego ba le sefoa le semuma go bolela le go kwa.”

¹⁵³ Gomme ba leditše go leka go hwetša fao ke bego ke le, ka—ka Amerika go le bjalo. Gomme ke be ke le ka Costa Mesa, California. Gomme ke athekele, ge le e badile, ikemišetšeng go lla. E tla no roba pelo ya lena. Ka fao a sepetšego go kgabola lehlwa, le se sengwe le se sengwe, le lesea lela! O rile, “Hlokomela, Donny.” O rile, “Bjale, ga se re fenywe.” Gomme mošemane yo monnyane ebile a sa kgone le go myemyela, le gatee, o be hlasetšwe bjalo. O rile, “Ga se re fenywe, re ya go kgotela Modimo. Re tla ya go moprofeta wa Modimo gomme ra mo kgotela.”

¹⁵⁴ Kafao gona ba tla go kgabola lehlwa. Gomme ba feleditše ba fihlile tlase fale, gomme mme o be a etla le bona, gomme ba be ba se na tšhelete ya go lekanela go sepela ka sefofane, kafao ba rometše mme morago. Gomme mošemane le papa ba swanela go tla ka pese, gomme ka fao ba sepetše tsela yohle go tloga Winnipeg, Canada, go ya Costa Mesa, California. Gomme ba fihlile ka fale, ba se na selo, gomme tate o anega ka ge ba swanetše go fetola maleiri a mannyane go yona, mošemane yo monnyane a ka ba bogolo bja mengwaga ye šupago goba seswai, feela a sa kgone selo ka phethegalo. Gomme ka fao a bego a tla . . . a sa kgone go hwetša sebaka go ja goba ga go selo, gomme o rile mošemane wa gagwe yo monnyane o kgonne feela go mo kwa a bolela. Gomme o kgonne go bolela ka tsela ya mahlo a gagwe a bogegago, gore o be—o be a leka go myemyela, le a tseba. Gomme tseba gore o . . . O be a tla mmošša mebono ya go fapana a bego a e bona, godimo ka Amerika.

¹⁵⁵ Gomme ge ba fihla ka gare fale, go California, ba rile go mothuši wa baeti, ke eng a tlilego go se bona. O rile, “Tlile go bona eng yo Mokgethwa?” Gomme leswao potšišo le legolo.

156 Nnete, o ka kgona go eleletša seo America e se boletšego ka ga yona, le a bona. Le a bona, bao ke rena, le a bona, “Re ditswerere bjalo! Re tseba se sengwe le se sengwe, le a tseba, gomme ga go hlokege go re botša se se rilego. Re na le yohle e ngwadilwe fase.” Le a bona?

157 Kafao gona, kafao, “Eng yo Mokgethwa? O tšwa tsela yohle go tšwa Winnipeg, Canada?” Gobaneng, ba naganne yeo e be e šiiša.

158 Go le bjalo, kuranta e pharile ko—ko koloi gomme e mo rometše godimo fale. Gomme o rile, ge ba fihla mo mothalong, fao o bego o le ntshe, o rile batho ba makgolo a masomepedi šupa ba be ba letile go rapelelwa. Eupša o rile, ge ba bone yola wa go golofala, mošemane wa go lebelega bonnyane, le papa yola wa go šokiša a apere kepisi, jase ya gagwe ya go onala, o rile yo mongwe le yo mongwe o tepogetše ka thoko gomme ba mo fa sekgoba sa gagwe. Ge a fihla sefaleng. . .

159 Go kgahlanong le melao go tšhentšhana ka karata ya thapelo. Yo mongwe o swanetše go tla go kopano gomme wa hwetša karata ya gago. Ge o ka tsoge wa hwetšwa mo mothalong, o tšhentšhana ka dikarata tša thapelo le yo mongwe gape, karata ya thapelo ga e amogelwe. Le a bona? Gobane o swanetše go tla go kwa ditaelo le go tseba ka fao o e amogelago. Go godimo ga gago. O ka se kgone go e hwetša sebakeng sa yo mongwe gape. O swanetše go tla go e hwetša ka bowena, gore o kwe. Yo itšego motho yo mogolo o rile, “Ge. . . Gabotse, ga ke dumele kudu ka go selo se. Eupša, mohlomongwe ge A ka mphodiša, ke. . .” Le a bona? Gomme morago seo se hlola go baka mo sefaleng, kafao ba no kgaola selo sela ntle pele se fihla fale.

160 Kafao ge mošemane a thomile, goba tate a thomile mo sefaleng, ka pele ga batho, Billy o mo kgopetše karata ya gagwe ya thapelo. O be a se na le ye itšego. O rile, “Gona ke maswabi, mohlomphegi.” O rile, “O tla swanela go leta.”

161 O rile, “Go lokile.” O rile, “Ke tla leta.” O rile, “Ke tla no tšea sebaka sa ka go swana le ba bangwe, gona.” O rile, “Ke be ke sa tsebe ke swanetše go dira se.”

162 Gomme kafao ke be ke bolela le yo mongwe, go diragetše ke e kwe. Ke bone tate yola a eya kgole, gomme ke rile, “Bothata ke eng?”

O rile, “O be a se na karata ya thapelo.”

Gomme Se sengwe se rile go nna, “Mo tliše morago.”

163 Kafao ke rile, “Mo tliše fa.” Gomme tate o tla godimo, gomme meokgo e kitima go theoga sefahlego sa gagwe, a hloka go šefa. Gomme o—o sepeletše godimo, gomme ke mo *Reader's Digest* e boletše. Le a bona? Ga se ke botšiše dipotšišo, eupša ka lebelela thwi ka sefahlegong sa lese, ka botša lese fao le tšwago gona, le be le le go Kliniki ya Mayo, le tšohle mabapi le seo e bego e le

bothata ka lona, ka fao le bego le lwala ka gona, le se sengwe le se sengwe.

164 Gomme kafao tate o thomile go lla, gomme o thomile go tloga. Gomme o rile o theogile sefaleng, gomme o retologile go dikologa, o rile, “Yeo ke nnete, mohlomphegi.” O rile, “Eupša afa lesea la ka le tla tsoge le phetše?”

165 Ke rile, “Seo ga ke kgone go se bolela.” Ke rile, “Feela sebakanyana.” Ke bone pono e tšwelela. Ke rile, “O ka se nyake go dumela se, gobane ba Mayo le Hopkins bobedi ba rile karo yela e ka se kgone go dirwa go bjoko bjola, eupša ke go botša seo o se dirago. Wena, gosasa, o no ya pele le lesea le. Mo matšatšing a mararo o ya go kopana le mosadi wa hlogo ye ntsho mo mokgotheng, gomme mosadi yoo o ya go go botšiša seo bothata e lego ka lesea leo. Gomme morago o ya go go botša ka ga ngaka ye nngwe ye nnyane ya dipolaseng ntle fa yeo e ka kgonago go dira karo yeo, gomme o ka se nyake go e dumela, gobane bale ba Mayo ba go šikologile gomme ba rile, ‘Ga e kgonege go ka dirwa.’ Eupša seo e no ba sebaka se nnoši lesea la gago le nago le sona, ka maatla a Modimo, kgaogelo ya Modimo le karo yela. Bjale, ge o ntumela go ba moprofeta wa Gagwe, e ya go dira bjalo ka ge ke go botša.” Go swana le go bea mago godimo ga Heseikia, le go ya pele.

O rile, o retologile go dikologa gomme o rile, “Ke a go leboga.” A sepela.

166 Matšatši a mabedi goba go feta a be a fetile, gomme o be a le tlase mo mokgotheng letšatši le lengwe, gomme mohumagadi o sepeletše godimo, o rile, “Bothata ke eng ka lesea la gago?”

167 O rile, “Le na le bolwetši bja bjo—bjo bjoko.” Gomme o be a eya pele a bolela ka tsela yeo. Gomme, gabotse, ba—ba be ba nagana gore e befile go šiiša, le a tseba.

168 Kafao o rile feela mo metsotsong e se mekae se sengwe se diragetše. O rile, “Mohlomphegi, ke tseba yo mongwe yo a ka kgonago go dira karo yeo.”

169 O rile, “Mohumagadi, lebelela, Mayo Brothers ba le hlobogile gomme ba rile e ka se kgone go dirwa.” O rile, “Monna fa o be a le rapelela, o bitšwa Ngwanešu Branham.” O rile, “O dirile thapelo bakeng sa lesea.” O rile, “Ema motsotso! Wa hlogo ye ntsho, a apere sutu ya jase ye tshehla.” O rile, “Yoo ke yena.” O rile, “Ngaka yeo e kae?” Gomme o mmoditše. O mo tšeeše godimo fale gomme ngaka e dirile karo, lesea la hlapologelwa.

170 Bjale, seo se tla ka *Reader’s Digest*, le a bona. Gomme Mayo Brothers ba mpeditše ka gare go polelotherišano bakeng sa yeo. Ba rile, “Mor. Branham, o dirile eng go lesea?”

171 Ke rile, “Ga go selo. Ga se nke ebile ka le kgwatha. Ke no bolela seo Modimo a mpoditšego go se bolela. Monna o se obametše.”

¹⁷² Bjale, selo sa go segiša ka ga yona, e ka ba dibeke tše pedi ka morago ga fao, goba dibeke tše pedi pele ga fao, goba tše tharo, ka go *Reader's Digest*, mohlomongwe kgwedi kua pele, athekele ya Moh Piper e tlile go kgabola. Bjale, yena ke senoge sa mapale, goba sedupe. Bjale, go na le wa kgonthe, gomme go na le yo mongwe a ekiša. Ba bile le mosadi yola ge e sa le ka 1897. Yena o ka godimo ga bogolo bja mengwaga ye lekgolo bjale, ka New York, bobedi . . . sefoa bjalo ka kota. *Reader's Digest*, hwetša . . . ke a nagana e tla mmogo e ka ba dikgwedi tše pedi goba kgwedi pele ga ya ka; gomme le ka e hwetša, mo mathomong a marega. Mna. Baxter o bile le yona fale letšatši le lengwe. Ge nka be ke ile ka nagana ka yona, nka be ke bile le yena . . . goba ke tsebile ke ya go bolela ka se, nka be ke—nka be ke bile le yona. Nka kgona go le hweletša yona. Gomme e fa e ka ba matlakala a lesomepedi goba lesomenne. O be a no ba mosadi wa lapa wa setlwaedi. Gomme o ile a swarwa ke malopo letšatši le lengwe, ge a be a lwala, gomme a thoma go bolela le bahu. Gomme ba bile le mosadi yola gohle go rarela lefase, mogohle. Ba mo išitše Engelane. Ebile a fetola diaparo tša gagwe, makga a mantši, gomme go bona ge e ba go na le go thelelwa le dilo, le go fihla godimo fale le go gakantšha yo mongwe ka maseke mo mahlong, Mogerika, gomme a diragatša o ka re ke monna wa Moise mane. Gomme o mmoditše tšohle mabapi le yona. Gomme o—o—o nyakile go bitša yo mongwe wa badirišane ba gagwe a hwilego.

¹⁷³ Bjale, selo se nnoši a . . . Gohle go rarela lefase, gomme *Reader's Digest* še e boletše fale, fa matšatši a se makae a go feta, goba dikgwedi di sekae tša go feta, ye nngwe ya tšona dilo e senotšwe. Monna o be a swanetše go atla seatla sa sepoko sa mmagwe, gomme letšatši le le latelago go netefaditše go kgorotshoko ya maphodisa gore o no atla sentsekana sa lešela la tšhese. Boati bja batho ba ekiša sedupe! Bona ke feela babadi ba bannyane ba kgale bao ba dutšego ntle ka thoko ga mokgotha, bao e sego didupe le mathomong. Ga se bona selo eupša baekiši ba bofora. Eupša go na le sedupe sa kgonthe.

¹⁷⁴ Gomme rena batho ba bodumedi, re na le boati bja baekiši ka lehlakoreng la rena. Bjale iketleng bakeng sa metsotso e se mekae.

¹⁷⁵ Bjale hlokomelang, gore Moh Piper ke sedupe sa kgonthe. Gomme kgatišobaka e rile, “Fa go selo se tee seo se ka kgonthišiwago, gore, ge motho a ehwa, ga se a hwe. O a phela felotsoko, gobane mosadi yola o bitša meboya ya bona morago le go bolela le batho.”

¹⁷⁶ “Bjale, na o dira eng, Ngwanešu Branham? A o a e dumela?” Ee, mohlomphegi. Beibele e bolela bjalo, leo ke lebaka ke e dumelago. Gomme ke wa diabololo. Bosemoya ke makatika a diabololo. Bjale hlokomelang, bjale šetšang yona ye mebedi.

177 Gomme gona le swanetše go be le bone mangwalo a fofela ka gare go nna, nako yeo, ge athekele ya ka e latela ya gagwe. A seo ga se tlabe gore, feela pele ga nako ya bofelo, Modimo o boletše dilo tše? Gomme *Reader's Digest* e phatlatatšwa ka leleme le lengwe le le lengwe ka tlase ga legodimo. Le a bona? Hlokomelang, a seo ga se tlabe di latelane mmogo?

178 Bjale fa go tla mangwalo ka gare, a rile, “Ngwanešu Branham, seo se netefatša ga se wena selo eupša sedupe.” A rile, “Seo se a e netefatša. Lebelela fa, o boditše mosadi yola moo a yago go hwetša. . . Lebelela mosadi *yo*?”

179 Ke rile, “Emang motsotso.” Ke na le lengwalo la semmušo ntle, (ntshwareleng), go romela go batho. Ke rile, “Ke bonnyane bjang lena bareri le bo tsebago.” Ke rile, “Sebakeng sa go kolobetša mebele ya lena, le hloka mabjoko a lena go kolobetšwa.” Yeo ke nnete. “Ga le eme go nagana ka dilo. Ga le leke go e nagantšhiša.”

180 Yeo ke tsela ya go swana ba dirilego mo matšatšing a mangwe. Ba bone Jesu. Ba tsebile A ka kgona. . . O tsebile diphiri tša pelo tša bona. O tsebile ke eng ba bego ba se dira ka tsela yeo. Gomme ba rile, “Yena ke kgoši ya bodiabolo. Yena ke Beletsebulu, mmolelelamahlatse yo mokaonekaone ka lefaseng.” Ga se ba ke ba ema go leka go e nagantšhiša, go bona yoo e be e le Morwa wa Modimo. Ba be ba se ba semoya go lekanela go e tseba. Yeo ke yona, ba badile godimo ga selo. Kgontho, Jesu o be a swanetše go tla Jerusalem, a nametše moula, le go ya pele, eupša ba be ba lebeletše go Tla la bobedi.

181 Gomme selo sa go swana lehono! Ba lebeletše ka godimo ga selo sa kgontho. Haleluya! Yeo ke nnete. Ke a tseba gore Modimo o fa, sekgaleleng se, gomme ke a tseba ke tšea bontši bja nako ya lena, eupša o swanetše go bona se, mogwera. Ge nka se tsoge ka go bona gape, o swanetše go tseba seo matimone a lego, o swanetše go tseba seo Therešo le phošo e lego. Gomme e batamelane bjalo, o swanetše go arogantšha selo.

182 Bjale elelwa, ga e ye go ba ntle fale, se sengwe kgole godimo go lehlakore *le* go swana le Bafarisei, goba se sengwe moragorago go lehlakore *lela*. Yona e thwi godimo fa mo lemating, thwi kgauwi le yona. E šetše. Bjale ge ke tšere. . .

183 A re tšeeng tšona ditiragalo tše pedi. Ge ke tšere gomme ke go fa tolara, bjale, ge nka go fa tolara ya bofora. Re tla šomiša tshwantšho gore o kgone go e bona. Selo sa mathomo seo o tla se dirago, ge o le motho wa setswerere, ge o ka topa tolara gomme wa e lebelela, selo sa mathomo, o tla e phophola le go bona e dirilwe ka eng. A yeo ke nnete? O tla lebelela seo e dirilwego ka sona. O tla lebelela boleng bja yona. Tolara ya kgontho ga se e dirwe ka pampiri, ke seripa sa pampiri le silika, o a bona. Gomme selo sa mathomo, o swanetše go lebelela go boleng bja yona. Yeo ke taetšo ya mathomo.

184 Bjale a re mo tšeeleng godimo ka go lehlakore *le*; gomme re tšeele Morena godimo ka go lehlakore *le*, yeo e amanago le rena.

185 Bjale lebelela, selo sa pele o swanetšego go hlokomela, se sengwe le se sengwe. . . Šetša athekele ya gago. Ka go mengwaga ye e itšego ye masometlhano e rilego ya go bolelelamahlatse ga gagwe, le go biletša godimo meboya ya bahu, ga se nke le nako e tee a bolela ka Modimo, Kriste, phodišo Kgethwa, topollo, Kahlolo, goba eng. Ga go na selo eupša boithabišo le thaloko ka go yona.

186 Eupša godimo ka go lehlakore *le*, kgafetšakgafetša ke Modimo, Kahlolo, go Tla ga Jesu, phodišo Kgethwa, maatla a Modimo, topollo. Lebelela boleng bja yona. Ga o bone babolelelamahlatse le dinoge ntle ba rera Ebangedi. Bothata ke eng ka batho? Nna! Hlokomelang!

187 Gomme selo sa kgonthe go dira, ge o nyaka go hwetša ge eba ke tolara ya kgonthe goba aowa, ge e bogega kudu bjalo go swana le yona, tloša dinomoro go tloga go yona gomme o e romele morago mminting. Gomme ge go na le dinomoro fale tšeo di sepedišanago le yeo, go na le tolara ya silibere e e letile. A yeo ke nnete?

188 Gabotse, gona, ngwanešu, tšea seo a se dirilego gomme o se tšeele morago go Beibele, o tla hwetša ke senoge sa En-doro.

189 Gomme o tšea seo se lego fa, o tla se hwetša morago, se ka go Puku fa ka Mminting, “Jesu Kriste wa go swana maabane, lehono, le go ya go ile.” Ka nnete, mošomo wa Gagwe wa go swana! Ga se nke a ya le thaloko le ditšiebadimo le batho. E bile bakeng sa botse bo itšego, go thuša yo mongwe, go ba hlhlehla go Modimo. Amene! Ga ke “amene” nnamong, eupša *amene* go ra gore “a go be bjalo.” Gomme ke . . . ke a E dumela. Ke a tseba Ke Therešo.

190 Bjale hlokomela, ke lena fa. Bjale, ka pela bjale, gobane ga ke nyake go le swarelela botelelele gape.

191 Fa, a re feng seswantšho se sennyane fa, seswantšhokgopolo se sennyane. Fa go moela thwi go kgabola fa, thwi tlase go kgabola tsela *ye*, go theogela tlase go kgabola bophelo. Bjale hlokomelang. Ke kanale. Mpheng šedi ya lena ka moka bjale, gore le se hlaelwe ke se. Thwi tlase ka tsela *ye*. Bjale, ka go kanale ye nnyane ye fa go dula diphedi tša go hwa, lena le nna. Bjale, ka fa, a re lebeleleleng seo se lego. Ke mkgobo wa thaloko le se sengwe le se sengwe gape, eupša gatee mo nakong le tla bona seetša. Le tla bona boso le mekgotha, yeo ke maetišo le go ya pele, bodiabolo ba swara batho. Oo, ba apara gabotse, nna, le go rutega ga godimo bjalo ka ge ba ka kgona, dirutegi tša go natha, eupša e sa le diabolo. Eupša go na le ba go tswalwa gape ba dutše ka fale.

192 Bjale, batho ba ka go kanale ye ba huetšwa go tšwa mahlakoreng a mabedi a go fapana. Bjale, ka go lehlakore le go

iwa ka tse-tsela *ye*, go na le boraro. Gomme ka go lehlakore le go iwa ka tse-tsela *ye*, go na le boraro.

¹⁹³ Bjale, ge, bjale maamong a pele, ka go lehlakore *le*, ke disoulo tša *ba go se loke*, ge motho a ehwa o ya ka go lefelo go letela kahlolo. Jesu o ile gomme a reela tšona disoulo tšeo di bego di le ka kgolegong fale. La go latela ke matimone. La go latela, ke diabololo ka heleng. Go rotogeleng godimo, sa pele, bjale, tšona ka fale ke dipoko, meboya ya batho ba go hwa yeo e sa nkago ya sokologa. Ba letile bakeng sa Kahlolo. Selo se tee ba se tsebago ke thaloko le seo ba se dirilego.

¹⁹⁴ Bjale, godimo fa, Bakriste ba ba huetšwa go tšwa Godimo. Ye ke tshwantšho. Godimo fa ke Moya wo mongwe, Moya wo Mokgethwa, Moya wa Monna, Kriste Jesu. Moya wo Mokgethwa, Moya wo Mokgethwa o huetša Kereke ya Gagwe ka go sekgao se sa ba ba hwago.

¹⁹⁵ Diabololo, ka meboya *ye*, o huetša motho. Bjale, lebelelang, ba go latela ke Barongwa. Wa go latela ke Modimo. Bjale, yo mongwe le yo mongwe a hwago fa o huetšwa ke le lengwe la mafase a. Le bona seo ke se rago?

¹⁹⁶ Bjale seo mosadi yola a se dirilego, o phuleleditše ka go sekgao sela. Gomme o bolela le batho ba ba go tlala ka letimone bao ba bego, go thomeng, meboya ya barongwa bale ba welego ba ba sa nkago ba sokologa moragorago mo mathomong, gomme ba dumelela bobona bja bona go tlala ka ona. Gomme ba letile bakeng sa Kahlolo.

¹⁹⁷ Gomme *ba* godimo fa ba hueditšwe le go tswalwa gape ka Moya wa Modimo. Gomme diabololo o na le bapofeta ba gagwe, gomme Modimo o na le ba Gagwe. Le bona seo ke se rago? Ke khuetšo, gomme re ya fale. Emang go e aroganya. Jesu, ge A be a le fa lefaseng . . .

¹⁹⁸ Bjale, lehono, a ka se kgone go phuleletša ka go sekgao sela gomme a tšea motho wa moloki ntle ga sekgao sela. A ka se kgone go e dira, gobane batho ba baloki ga ba sa le ka fale moo ba bego ba fela ba le ntshe, ka Paradeising. Aowa, mohlomphegi. Paradeisi e fedišitšwe, ge Madi a Jesu a e tšeele kgole. Lebelelang fa. Nna!

¹⁹⁹ Ge nka kgona go nagana ka ka fao gore Jesu, ge A ehwa, O ile le go rerela disoulo tšeo di bego di le ka kgolegong. O hwile, modiradibe, a sa tsebe sebe, go le bjalo sebe sa rena se be se le go Yena. Gomme Modimo, bakeng sa dibe tša Gagwe, o Mo rometše heleng. Beibele e rile, “O ile le go rerela disoulo.”

²⁰⁰ Batho ba bangwe ba re, “Ngwanešu Branham, ga ke kgone go e kwešiša.” Ba re, “Jesu o tsogile mo letšatšing la boraro. O hwile ka Labohlano sekgalela gomme o tsogile Lamorena mosong, gobaneng, O be a hwile feela letšatši le tee.”

201 O rile, “Magareng ga tšona nako,” ka gore O bile le Lengwalo le tee ka Beibeleng, leo A ka kgonago go ema godimo. Ka gore, Dafida, monna yoo morago a kgelogilego, eupša o be a phološitšwe, eupša moprofeta ka tlase ga tšhušumetšo ya Modimo, o rile, “Nka se tlogele soulo ya Gagwe ka heleng, ebile Nka se lese Yo Mokgethwa wa Ka go bona go bola.” Gomme o tsebile, matšatši a mararo le mašego, gore mmele wola o tla ba ka go boleng. Gomme Modimo o be a šetše a rile go moprofeta, “A ka se bone go bola.” . . . ? . . . [Ga go selo lefelong la theipi—Mor.]

Haleluya! O tšere Lentšu la Modimo. O fentše Sathane, nako ye nngwe le ye nngwe, godimo ga Lona. O fentše lehu, godimo ga Lentšu la Modimo. Haleluya! O fentše lehu. Gomme ge ba Mmolaya, gomme O hwile, modiradibe, dibe tša ka le dibe tša lena godimo ga Gagwe, O theogetše tlase, ke kgona go Mmona a kokota mo monyakong wola fale.

Gomme tšona disoulo tša go lahlelega di tšwetše ntle le go re, “Gabotse, Wena o Mang?”

202 O rile, “Gobaneng le se la theeletša Henoge? Gobaneng le se la theeletša baprofeta bale ba bangwe bao ba rerilego?” Ba ile ba lahlwa. “Nna ke Morwa wa Modimo yo a kilego a phela. Ke . . . Madi a Ka a tšholotšwe. Ke tla go le botša, Ke phethagaditše, seo baprofeta ba rilego Ke tla se dira.” Thwi go ya pele go theoga go-feta matimone, thwi ka heleng, go tšea dinotlelo tša lehu le hele kgole go tloga go diabolo, a di lekeletša mo lehlakoreng la Gagwe, a thomiša morago godimo. Haleluya!

203 Go tsoga ka pela mo mosong. Haleluya! A re thaleng seswantšho se sennyane fa. Pele mo mosong, go na le sehlopha se sengwe se se robetše godimo fa ka Paradeising. Ga ba gona fao bjale.

204 Bjale, lena bagwera ba bagolo ba Makatoliki bao le dumelago go poelano ya bakgethwa. Ge e ba o bolela le mokgethwa ka kerekeng ya gago, monna yola ke modiradibe, o ka heleng, goba—goba o letile ka kua bakeng sa kahlolo ya gagwe. Gomme ge a be a le mokgethwa, o ka go letago la Modimo gomme a ka se kgone go bowa morago. Yeo ke nnete. Nka netefatša seo. Madi a dipoo a be a ka se tloše sebe, eupša Madi a Jesu a hlalile dibe.

205 Ke kgona go bona Jesu a eya godimo fale moo, Paradeisi, go na le Abraham wa kgale, Isaka le Jakobo, le bona ka fale, Samuele le bohle ka moka ga bona ka fale. Ke kgona go Mo kwa a kokota lemating. [Ngwanešu Branham o kokota mo phuluphithing makga a tshela—Mor.] Amene! Oo, ke rata se. Ke fihla thwi. . . go kwa mohuta wa bodumedi bjale. Ke kgona go Mmona a lebelela godimo fale. Ke kgona go mo kwa a re, “Ke mang a lego ntle fale? Ke mang A lego fale?” O rile, “Nna, yo ke Abraham a bolelago. Ke Mang?”

206 “Ke nna Peu ya Abraham.” Amene. Ke kgona go bona Abraham a etla lemating, a bulela lemati godimo. O rile, “Ke nna Peu ya Abraham.”

Daniele o rile, “Lebelelang fale! Fale go Letlapa leo ke le bonego le kgomotšwe ntle ga thaba.”

207 Ke kgona go kwa Hesechiele a re, “Yena Šole! Ke Mmone, go swana le lerole ka tlase ga dinao tša Gagwe, maru a-sepela, ge dikgapa. . . di phaphathile diatla tša tšona, matlakala, gomme tšona tšohle di goeleditše.” Oo, ke kgona go bona ba go fapana fale ka Paradeising, ba Mo letile.

208 Ke kgona go Mo kwa a re, “Etlang pele! Go hlaba seetša sa letšatši ka Jerusalema. Re swanetše go ya ntle fa. Re a rotoga, ka gore le tshepetše go madi a dipoo le dipudi, le letile nakong ya Madi a Ka. Eupša Madi a Ka a tšholotšwe godimo fale mo Khalibari. Ke nna Morwa wa Modimo ka sebele. Dikoloto ka moka tša sebe di lefetšwe. Re mo tseleng ya rena ya go tšwa!” Haleluya! Letago go Modimo!

209 Ke kgona go bona Abraham o swara Sarah ka letsogo, gomme šeba ba a tla, thwi ka ntle! Ka go Mateo 27, ge a tlile ntle, ke kgona go ba kwa ba dira go ema go gonnyane tikologong ya Jerusalema fale. Gomme selo sa mathomo le a tseba, ke kgona go bona Kayafa le bona ba eme mo mokgotheng, ba re, “Ba mpošša mothaka yola o tsogile. E re, ke mang mothaka yola a sepelago fale; moisa yola yo moswa, mosetsana yola yo moswa?”

210 Ga ba sa tšofetše; bao e be e le Abraham le Sarah. Gomme ba timelela. Ba lebeletše, “Yo mongwe o re šeditše.” Ba kgonne go timelela feela go swana A ile go kgabola leboto, mohuta wa go swana wa mmele. Haleluya! Thwi. Fa go bohle baprofeta le bona, ba sepela go dikologa, ba lebelela go dikologa toropokgolo.

211 Gomme Jesu o etilepele thwi pele godimo ka gare, goba godimo ka godimo ga dinaledi, ngwedi, maru, gomme o etilepele bothopša bothopša, a fa dimpho go batho. Jesu o dutše lehono ka letsogong le letona la Tate, o nametše godimo fale, a dula fase, go fihla manaba a Gagwe ohle a dirwa bogato bja dinao tša Gagwe.

212 Gomme lehono, mogwera morategi wa ka wa Mokriste, matimone a šoma ka go lehlakore le lengwe le le lengwe. Gomme Moya wa Modimo o sepela thwi ntle, ka go lehlakore le lengwe, go o lwantšha nako ye nngwe le ye nngwe. Haleluya! Ke lena bao. Dikuranta le tša go metša le se sengwe le se sengwe gape se a e kwalakwatša. Ba e šeditše. Ga ba kgone go bona seo e lego sona. Ke eng? Ke moritipele wa makgaolakgang a magolo ao a tlogo gabotse ka pela, magareng ga Modimo le diabolo. Etle ka go lehlakore la Modimo gomme o loke ka pelong ya gago. Amene.

213 Fa nako e se nako ye telele kgale ke be ke le godimo ka Toledo, Ohio, ke na le kopano. Ke ya go tswalela.

214 Le bona seo ke se rago ka matimone? A a šoma. Ona ke a bodumedi kudu, a no bja bjalo bodumedi! Oo, ba ya kerekeng Lamorena le lengwe le le lengwe, ba boeletša Thutotumelo ya Baapostola, le go opela Doxology. Oo, nna, feela bodumedi ka fao a ka kgonago go ba!

“Ngawnešu Branham, o ra gore yeo ke Therešo?”

215 Woo ke mohuta wa moya woo o lekeleditšego Jesu Kriste mo sefapanong. Gomme Jesu O rile, “Lena le ba tataaweno, diabololo.”

216 Bjale ba bangwe ba bona ba rile, “Oo, Russia ke molwalekriste.” E ka se tsoge! Russia ga se molwalekriste. Molwalekriste o ya go ba wa bodumedi bjalo go fihla a tlaetša bona Bakgethiwa ge go kgonagala.

Elelwang, Modimo o tšea motho wa Gagwe, eupša ga a tsoge a tšea Moya wa Gagwe. Diabololo o tšea motho wa gagwe, eupša ga a tsoge a tšea moya wa gagwe. Bjale, ke lena fao. Itokanyeng lenabeng. Ke ikarabela feela go Therešo.

217 Matimone, a šoma! Maabane, ke bile le ona sekgaong sa mmele. Lehono, ke le bontšha ka go sekgao sa semoya, moo a lego ka go sekgao sa bodumedi. Moo a lego ntle kua, a bitšwa kankere, gomme ba bitša *se, seo*, le *se sengwe*, eupša ke netefaditše go lena, ka Beibele, ke bodiabololo. Bjale, godimo fa, lehono, fa ona gape a ka go sekgao sa bodumedi, a bodumedi kudu, a ikgantšha kudu.

218 Ge o ka thoma, ngwanešu, gomme wa nagana. Kaine, ona mathomo a yona, o be a le monna wa bodumedi kudu. Esau o be a le monna wa bodumedi kudu. Judase o be a le monna wa bodumedi kudu. Ke bodumedi. Ga se lefase la ka ntle. E thwi ka go makgatheng. Šetšang bjoo, botimoni! Mohlomongwe moragorago gannyane, nako ye nngwe, nka tla go yona gannyane gape. Re ba thari.

219 Se ahlole le ge e ka ba mang. Rata yo mongwe le yo mongwe. Ge o ka se rata go tšwa pelong ya gago, gona Kriste ga a na le wena.

220 Ka Toledo, Ohio, ke ile ka go restorante ye nnyane. Ke be ke eja mo lefelong, lefelo le lennyane la Dunkard, lefelo la go ratega le lennyane. Ba be ba le ba ba bose. Sekgaleleng seo ba be ba tswaletše, go ya sekolong sa Lamorena. Gomme ge ba dirile, ke ile ka swanela go putla mokgotha, go lefelo le lennyane la kgale la sefefase, gomme ke tsene ka gare fale. Gomme ke a tseba ga go molaong go kempola ka Ohio. Gomme fa go eme Lephodisa la Naga ka letsogo la gagwe go rarela mosetsana, seatla sa gagwe se lekeletše fa mo seropeng sa gagwe, ba bapala motšhene wa seloto. Molao wa dinaga tša rena le setšhaba, di ile tšohle. Mašokiša.

221 Ke tshepetše go Kriste Leswika le le kgwahlilego, ke a ema, mafelo a mangwe ohle ke santa e sobelago. Ga go selo se šetšego. Yeo ke nnete.

222 Ke lebeletše morago fale, gomme go be go le mohumagadi yo monnyane yo mobotse, a ka no ba a le wa mahlalagading, lesomesenyane, lesomeseswai, bogolo bja mengwaga ye lesomesenyane. Gomme seo ba bego ba se dira, bona bašemane morago fale go dikologa tafola, go be go šišimiša. Ke dutše fase fale. Gomme bjalo sa go mmakatša, go dutše thwi fa moo mohumagadi a tlilego godimo, o rile, “A o ka ba le setulo?”

Ke rile, “Ke a go leboga. Ke nyakile difihlolo.”

223 Gomme go dutše mo setulong, fa go dutše mosadi yo mogolo, wa bogolo bja go kaaka mme wa ka, masometlhano tlhano, bogolo bja mengwaga ye masometlhano seswai. O be a apere para ye nnyane ya diaparo tšela tša dihlong ba di aparago.

224 Ba tleleima go fodile. Saentshe e re, “O a gafa.” Ka kgonthe, ga se yona. Le no nyaka go bontšha mapona a lena beng. Ke dihlong, ke bogoboga. Mohumagadi a ka se bea tšona godimo. Mosadi o tla dira, eupša mohumagadi a ka se ke.

225 Gomme gona, kafao gona ba . . . o be a le fale, a dutše fale. Nama ya gagwe ya go šokiša e be e rephile. O be a na le mohuta wola wa manekhure wa go lebega otšhite, goba eng le e bitšago, mo dipounameng tša gagwe. Gomme mokoto wa moriri wo monnyane go swana le monna, woo o fuzzed godimo gohle; seo Beibele e se boletšego, e lego bogoboga. Gomme mosadi, gore monna . . .

226 Beibele e a tleleima, ge mosadi a kota moriri wa gagwe, monna o na le tokelo go mo tlogela ka go tlhalo, ka gobane ga a mmotagalele. Re swanetše go ya fase le go rera Beibele fa a mangwe a matšatši a. E rile, “Ge a kera moriri wa gagwe, o nyatšiša monna wa gagwe.” Ge a le wa go nyatšega, o swanetše go tlogelwa. O ka se kgone go nyala yo mongwe, eupša o ka kgona go mo tlogela. Ehu! Mošemane, seo, seo se ka thata, ke kgona go se kwa. Eupša yeo ke Therešo.

227 Oo, go be go fela, re bile le yona ka go sekgao sa Moya wo Mokgethwa, eupša re hlephišitše dithapo. Ngwanešu wa kgale o be a fela a re, “Re hlephišitše dithapo, re hlephišitše dithapo, re itšimeleditše le sebe. Re hlephišitše dithapo, dinku di šwahlile, eupša dipudi di tsene ka gare bjang?” Le hlephišitše dithapo. Seo ke se e bilego bothata. Le hlephišitše dithapo, lefase le kereke di tswakane mmogo. Go no swana le Bamoaba le go ya pele, le Biliama, le ka fao a nyetšego magareng ga bona, seo e no ba tlwa selo sa go swana lehono. Gomme kereke e tšhilafaditšwe gohle, gomme lebaka la Pentacostal ke lebaka la Laodikia, yeo e lego bololo, gomme e tshwetšwe ntle ga molomo wa Modimo. Gomme go tšwa go sehlopha ka moka, Modimo o bitša mašalela a Gagwe, o Mo tšeela Gae, yeo ke nnete tlwa, tlwa, ka tso go ya bahu.

228 Gomme o be a le fale, a dutše fale, manekhure wa dipounama gohle godimo ga sefahlego sa gagwe, gomme o be o le godimo gohle ka tsela yela. Gomme o be a na le se fa selo se seso godimo

ga mahlo a gagwe, gomme o be a fufulelwa, e be e theogela tlase. Gomme selo sa go šokiša sa kgale se ka be se bile le ditlogolokhukhu. Gomme o be a dutše fale le banna ba babedi ba go tšofala, gomme yo mongwe wa bona ka sekhafo se segolo sa kgale go rarela molala wa gagwe, gomme e le June, a dutše fale. Gomme o emeletše, gomme o be e le mohuta wa go nwa, gomme o be a enwa, le yena. Gomme o be a lebelela go dikologa.

²²⁹ Ke naganne, “O Modimo! Modimo, gobaneng O sa no swiela selo go tloga mmepeng? Gobaneng O sa dire? Afa Sharon wa ka yo monnyane... Lesea la ka le lennyane, Sarah wa ka yo monnyane le Rebekah wa ka yo monnyane ba swanetše go godišetšwa go go moloko woo, go tla go lebana le dilo tše bjalo ka tšeo?” Ke naganne, “Lebelela ntle fa ka go diphaka tše le dilo, le seo se diregago.” Ke naganne, “O Modimo! Oo, ke thakgetše O tšere Sharon ge e ba e be e le thato ya Gago. Afa Rebekah wa ka yo monnyane le Sarah yo monnyane—yo monnyane ba swanetše go godišetšwa ka tlase ga dilo tše bjalo ka tšeo?” Tšeo, gomme bona batho ba di bitša... opela ka khwaereng le se sengwe le se sengwe. Gomme ke naganne, “A seo ga se dihlong?” Ke naganne, “Modimo, toko ya Gago ye Kgethwa e ka se kgotlelela bjang? Go bonala e ke bogale bja Gago bja go loka bo tla fofela ntle fale gomme—gomme bja pšhatlaganya lefelo le godimo.”

²³⁰ Gomme ke kwele Morongwa wa Morena, o rile, “E tla ka thoko.” Ke sepeletše godimo fale. Gomme ge A feditše ka nna, ke ikwele go swana le motho wa go fapana. “Ke eng o mo ahlolagago?”

Ke rile, “Lebelela seo, ka tsela yeo a lego.” Gomme fa go seo A...

²³¹ Ke bone pono. Ke bone lefase go swana le *le*, ntikodiko, lefase le lengwe. Eupša lefase le *fa*, le bile le molalatladi go le dikologa, gomme ao e be e le Madi a Kriste ao a šireletšago kgalefo ya Modimo. A ka se kgone go lebelela godimo ga seo, O—O tla senya selo thwi bjale, gobane O rile, “Letšatši le o jago go fao, letšatši leo o a hwa.” Kafao A ka e dira.

²³² Morago ke naganne ka tsela ye. Ke bone nnamong. Le ge eba ga se ke dire seo, eupša ke be ke le modiradibe, go le bjalo. Gomme morago Madi a Jesu Kriste a šoma bjalo ka sethibedi. Le a bona? Gore, ge ke dira sebe, dibe tša ka di a Mo itia le go rothotha hlogo ya Yagwe ye bohlokwa, gomme ke be ke kgona go bona meokgo le Madi a theogela tlase. “Mo swarele, Tate, ga a tsebe seo a se dirago.” Gomme ke tla dira se sengwe gape le go E itia. “Mo swarele, Tate.”

²³³ Ge e ka tsoge ya Mo feta, ke be nka be ke sentšwe. Gomme ge nkabe ke sa nka ka amogela mogau wa Gagwe, gomme letšatši soulo ya ka e tshelela go feta seo, ke šetše ke ahlotšwe. Ke latotše. Ga go na selo se šetšego eupša kahlolo. Ke ahlotšwe, ke šetše ke ahlotšwe. Modimo o rile, “Letšatši o jago go fao, letšatši leo o a

hwa.” O ahlotšwe gabotse. Se ke setulo sa kahlolo sekgaleleng se, mokgwatebelelo wa gago go Kriste.

234 Gomme ke naganne, “Ee, yeo ke nnete.” Gomme ke bone letšatši le lengwe ke abuletše godimo go Yena. Ke bone puku ya ka ya kgale e dutše fale, modiradibe, fale go dutše se sengwe le se sengwe go yona. Ke bone dibe tša ka ke seo se bego se e dira, gomme ke rile, “Morena, a O tla ntshwarela?”

235 Tšere seatla sa Gagwe ka lehlakoreng la Gagwe, se na le Madi a itšego ntle, o e ngwadile go putla bogodimo, gomme o rile, “O lebaletšwe.” O e lahletše morago ka go lewatle la bolejadi, go se sa e gopola gape. E be e ile sa ruri! O rile, “Ke a go swarela, eupša o a mo ahlola.”

Seo se fetotše kgopolo ya ka. Ke rile, “Morena, e ba le kgaogelo.”

236 Ka morago ga ge ke tšwile ka go yona, ke sepeletše godimo gomme ka dula fase. Ke rile, “O dira bjang, mme?”

O rile, “Oo, dumela.”

237 Gomme ke rile, “Ge o ka ntshwarela,” ke rile, “Ke nna Mor. Branham, modiredi.”

O rile, “Oo, tshwarelo. Tshwarelo, Mor. Branham.”

238 Ke rile, “Mohumagadi.” Ke mmoditše kanego. Ke rile, “Ke be ke eme fale, gomme ke be ke go ahlola, gomme ke nagana, ‘A selo sa go šiša!’ Mohlomongwe o na le bana.”

O rile, “Ke nabo.”

239 Ke rile, “Ke eng e hlotšego tsela go ya go fapoga?” A thoma go tatolla kanego go nna yeo e ka go kgeila pelo ya e ka ba eng. Ke rile, “Ke—ke be ke botšiša Modimo gobaneng A sa nka a no gogola tše bjalo go tloga lefaseng. Fa, wena fa le banna ba babedi ba ba go tagwa, le wena o tagilwe, ka bowena.” Gomme ke rile, “Letšatši le lengwe. . . Madi ale a thibetše kgalefo ya Modimo kgole go tloga go wena. O ya go hwa le lengwe la matšatši a. Gomme, gona, wena o—wena o motho wa tokelo ya go ikgethela bjale, o ka gana goba wa amogela.” Ke rile, “Eupša letšatši le lengwe soulo ya gago e ya go feta fale, fao go se na go kgaogelo e šetšego. Gomme ge o hwela mo dibeng tša gago, o šetše o ahlotšwe, gomme o ya heleng.”

240 Le a tseba ke eng? Mosadi yola o theletše ntle ga setulo sela fale ka go restaurante yela. Re bile le kopano ya thapelo go swana le sa nka la kwa bophelong bja lena, gomme o tla go Kriste. E be e le eng? Le se ba ahloleng; ba botšeng Ebangedi. Ba swerwe ke letimone; ke bao ba hwago ka go sekgao se. Ba huetšwa go tloga godimo fa. Khuetšo ya rena e tla go tšwa ka godimo. A re boneng seo re ka go se dira ka ditalente tša rena, go thopa ba bangwe go Kriste.

²⁴¹ Tate wa rena wa Magodimong, go lebogeng Wena bakeng sa botho bja Gago le kgaogelo. Ke maswabi, Morena; mohlomongwe, batho, ke ba swareletše fa botelele kudu. Eupša go beng go tswaleleng ga tše sekgaleleng se dikopano ka tsela ye, ke nyakile go ba botša, “matimone,” gomme ke remile bontši bja yona kudu mo lefelong le letee, ka go thero e tee, eupša mohlomongwe ba ka kgona go e topela ntle, fa le fale, gomme ba kwešiša seo ke bego ke se ra. O tseba maikemišetšo a pelo ya ka, a go e tliša.

²⁴² A nke batho ba tloge go tloga fa sekgaleleng se, gomme banna le basadi ba šeditše mosepelo wo mongwe le wo mongwe ba o dirago, eupša ba phela ba thabile le go lokologa. A nke ba tsebe gore Modimo o ba phološitše. Gomme a nke ba lebelele go Yena, ba lebale ka diism tšohle le dilo tšeo di ba dikologilego, gomme ba phele ka khutšo le go seka, le ka go boifa ga Morena. Gomme gona, Modimo, ge O nyaka go ba šomiša go e ka ba eng, O ka kgona go bolela thwi le bona gomme wa ba romela e ka ba kae O nyakago ba eya goba e ka ba eng O nyakago ba dira. A nke batho ba ikokobetše le go hwetša Kriste dipelong tša bona. Re swarele, Morena, go mafokodi a rena, yo mongwe le yo mongwe wa rena.

²⁴³ Gomme re a tseba gore—gore Sathane o ile ntle bjalo ka tau ye e rorago, mogohle, a metša seo a ratago, a apere meaparo ya sedumedi. O Modimo, bana ba bannyane ba ba go šokiša, ba lebelele, mogohle. Ba bulegile le go ba pepeneneng go batho. Gomme ke rapela Wena, Modimo, go ba gaogela, le go phološa bohle ba timetšego, fodiša balwetši. Gomme, Modimo, re lemoga gore bodiabolo ba ba kgale ba bolwetši ba tlogo godimo ga bana ba Gago, gore O na le poelano e dutše ka kua, go hlokomela seo. Gomme bodiabolo bohle bao ba tla ba dirago go dira sebe, O na le poelano e dutše ka kua, o tla e hlokomela. Gomme ke rapela gore O tla e fa ka Leina la Jesu. Amene.

Ke makala ge fao . . .



BOTIMONE — SEKGAO SA BODUMEDI NST53-0609A

(Demonology — Religious Realm)

SERISI KA TŠA BOTIMONE

Molaetša wo ka Ngwanešu William Marrion Branham, setlogong o abilwe ka Seisimane ka Labobedi ka sekgalela, June 9, 1953, ka Roberts Park Amphitheater ka Connersville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.

www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org